

**Ammasumik ataatsimiinnermi oqaluuserisassat:**

- Imm. 01 Oqaluuserisassat akuersissutigineri**
- Imm. 02 Borgmesterip nalunaarutaa.**
- Imm. 03 Ataatsimiititaliani siulittaasut nalunaarutaat.**

**Aningaasaqarnermut tunngasut**

- Imm. 04 2015-imut Ukiumoortumik nalunaarusiamut atatillugu Sisimiut Katersugaasivianut nuutassat iluarsiiqqineqarnerisa kingunerisaanik immikkut aningaasaliissutit**
  - Imm. 05 Kulturikkut illorsuaq Taseraliup ingerlatsinermit tapiissutinik 800.000 koruuninik qaffaanissamik qinnuteqaataa**
  - Imm. 06 2015-imi sanaartornermut aningaasaliissutit atorneqanngitsut 2016-imut nuunneqarnissai**
  - Imm. 07 Iliveqarfimmik nutaamik pilersitsinissaq aningaasaliinissarlu**
  - Imm. 08 Qeqqata Kommuniani kommunip illuutaanik aserfallatsaaliineq**
  - Imm. 09 Kommunip nersornaasiisarnermini legateqartitsinerminilu aningaasaateqarfiisa 2015-imut naatsorsuutai**
- Suliassat nalinginnaasut**
- Imm. 10 Ukiumut naatsorsuuseriffiusumut 2015-imut BDO-mit ataavartumik kukkunersiineq pillugu kukkunersiuisut nalunaarutaat nr. 21**
  - Imm. 11 Kommunalbestyrelsimut ilaasortap Marius Olsen-ip, "toqusut illerfiisa assartorneqartarnerat" pillugu oqaluuserisassatut siunnersuutaa**
  - Imm. 12 Kommunalbestyrelsimut ilaasortap Marius Olsen-ip, "Suliffissaaleqisunut Ikiorssiissutit pillugit oqaluuserisassatut siunnersuutaa**
  - Imm. 13 Klaus Berthelsenip kommunalbestyrelsimut ilaasortaanerminik tunuarnissaminik qinnuteqaataa.**
  - Imm. 14 Imigassanik aalakoornartortalinnik nioqquteqartarnek sassaallertarnerlu pillugit Inatsisartut Inatsisissaattut nr. XX-issatut, ulloq XX.XX.20XX-imeersussatut siunnersuummut (imigassamut inatsit) tusarniut**
  - Imm. 15 Immikkoortumi A22-mi aqquserngit aqqi**
  - Imm. 16 Qamutit motorillit nunaannarmi angallassissutiginnissaat pillugit ileqqoreqqusap nutarterneqarnera**

**Paasissutissiissutit**

- Imm. 17** Sisimiuni Meeqqat inuusuttuaqqallu angerlarsimaffiup avataanut inissitat
- Imm. 18** Maniitsumi Meeqqat inuusuttuaqqallu angerlarsimaffiup avataanut inissitat
- Imm. 19** Ataatsimoorussamik Itilleq/Sarfannugit nunaqarfinni aqutsisuni Peter Karlsen-ip ilaasortanngoqqinnera pillugu paasissutissiissut
- Imm. 20** Tamalaat.

Ataatsimiinneq Maniitsumi ingerlanneqassaaq aallartissallunilu nal. 8:30

**Peqataasut:**

*Atassut*

*Inuit Ataqaatigiit*

*Naleraq*

*Siumut*

*Nalunaaruteqarlutik peqataanngitsut:*

*Nalunaaruteqarani peqataanngitsoq*

**Imm. 01 Oqaluuserisassat akuersissutigineri  
Aalajangiineq**

**Imm. 02 Borgmesterip nalunaarutaa  
Aalajangiineq**

**Imm. 03 Ataatsimiititaliani siulittaasut nalunaarutaat  
Aalajangiineq**

**Imm. 04 2015-imut Ukiumoortumik nalunaarusiamut atatillugu Sisimiut Katersugaasivianut nuutassat iluarsiiqqineqarnerisa kingunerisaanik immikkut aningaasaliissutit**

*Journalnr. 06.02.01*

Tunuliaqutaq

Missingersuutitigut killiliussat iluini ingerlatsinermut kontominik nammineq aqutsinermiut atatillugu, 2014-imi 2015-imut nuutsinissaq akuersissutigineqarsimasoq, allaffissornikkut kukkuluttortumik Sisimiut Katersugaasiviata pissarsiarinngitsoorsimavaa. 2015-imit 2016-imut nuutsinissap iluarsiiqqineqarfigineqarnissaa pillugu suliaq allaffeqarfiup saqqummiukkusuppaa.

Maleruagassatigut tunngavissat

Qeqqata Kommuniani karseqarnermut naatsorsuuserinermullu malittarisassat.

Pissutsit atuuttut

”2014-imut Ukiumoortumik nalunaarusiap” suliarineqarneratigut, Sisimiut Katersugaasiviata 2014-imi 859 tkoruuninik sinneqartoorutiminik 2015-imut nuutsinissaminut akuerineqarpoq. Allaffissornikkut kukkuluttortumik taamatut aalajangersimaneq malillugu nuutsisoqarnissaa siunnersuutigineqarsimanngilaq, tamatumalu kingunerisaanik katersugaasiviup taakku 859 tkoruunit atorsinnaasimanagit.

Taamaakkaluartoq, ukiut siuliini aningaasat sipaarutigineqarsimasut katersugaasiviup/kommunip aningaasaliissutigissagai piunasaqaatit aralugu, Sisimiut Katersugaasivia aningaasaateqarfinni aningaasaliiffiqineqarluni oqaluffitoqqamik nutarterisitsisinnaasimavoq.

Atuilluartuunissakkut kingunerisinnaasai

Kommunip suliffeqarfiutai siunissamat ungasinnerusumut eqqarsaateqarlutik siunissami aningaasaliinissanut sipaaruteqartarnerat atuilluartuuneruvoq.

Aningaasaqarnikkut allaffissornikkullu kingunerisinnaasai

2015-imut ukiumoortumik nalunaarusiap saqqummiunneqarneranut atatillugu, 150 tkoruunit nuunneqarnissaat kommunalbestyrelsip akuersissutigaa, kisianni 2015-imi 150 tkoruunit, 2014-imi 859 tkoruunit sipaarutigineqarsimasut ilanngullugit 1.009 tkoruuniusussaasimagaluarput. Taamaalilluni nuutassat 859 tkoruuninik ilaneqartariaqarput, imaappoq 859 tkoruuninik immikkut aningaasaliissuteqartoqartariaqarluni.

Allaffeqarfiup naliliinera

Kukuluttorsimaneq iluarsiiqqineqartariaqarpoq, aningaasallu eqqortut 1.009 tkoruunit nuunneqarlutik. Kukkusiqarsimaneq paasineqartillugu, kukkusimaneq iluarsiiqqineqarnissaat aqqissuussaannermut pingaaruteqarpoq.

Aningaasaqarnermut ataatsimiititaliap suliamik suliaqarnera

Aningaasaqarnermut ataatsimiititaliap majip 17-ani 2016-imi ataatsimiinermi suliaq suliarivaa innersuussullu akueralugu.

**Innersuussut**

Aningaasaqarnermut ataatsimiititaliamiit Kommunalbestyrelsimut akuerisassanngorlugu innersuussutigineqarpoq,

-2015-imit 2016-imut nuunneqartut 1.009 tkoruuninngorlugit, Sisimiut Katersugaasivianut 859 tkoruuninik immikkut aningaasaliissuteqartoqarluni nuutsisoqassassoq

**Aalajangiineq**

**Ilanngussaq**

Ilanngussaqanngilaq.

**Imm. 05 Kulturikkut illorsuaq Taseraliup ingerlatsinermut tapiissutinik 800.000 koruuninik qaffaanissamik qinnuteqaataa**

*Journalnr. 06.00.01*

Tunuliaqutaq

Kulturikkut illorsuaq Taseralik ingerlatsinermut tapiissutit 800.00 koruuninik qaffaanissamik, 2016-imi januaarip 15-iani allakkatigut qinnuteqarpoq.

Apriliip qaammataani suliaq politikkikkiut suliarineqarpoq, 2016-mut aningaasaliissutit annertussusaat qanoq nassaarineqarsimanersut kommunalbestyrelsimit ersarinnerusunik ersarissaavigineqarnissamik kissaateqarluni, 2016-imi apriliip 28-iani ataatsimiinnermini suliamik kinguartitsivoq. Innersuussummut aprilimeersumut ilanngussat aappaluttumik allaqqasut nutaajupput.

Maleruagassatigut tunngavissat

Taseralik ilaatigut ingerlatsinermut Qeqqata Kommunianit tapiissutisarluni, ilaatigullu aqqisuussinernut assigiinngitsunut aningaasaateqarfinnut qinnuteqartarnermigut, aningaasaateqarfiuvoq imminut pigisoq.

Ilinniartitaanermut, Kulturimut Sunngiffimmullu ataatsimiititaliaq kulturikkut aqqissuussisarnerni tapiisarnermut akisussaaavoq, Taseralimmullu tapiissutit konto 59-10/4/35-00-mit aningaasaliissutigineqartarlutik.

Pissutsit atuuttut

Sisimiuni kommunalbestyrelsip 2008-mi februaariugaa ataatsimiinnermini akuersissutigaa, Taseralik aningaasaateqarfittut imminut pigisutut pilersinneqassasoq. Aningaasaateqarfiup imminut pigisup, Taseraliup ingerlanneqarneranut akisussaaavoq, matumanilu kommunimiit ingerlatsinermut tapiissutinik pisarluni aammalu illumut akiliutit kommunimut akilerneqartarlutik. 2008-mi illumut akiliut ukiumut 120.000 koruuniuvoq, ukiullu ingerlanerini akiliutaasartoq qaffakkiartarluni maannakkut 143.000 koruunit miss. annertutigivoq.

2008-p aallartinnerani Taseraliup ingerlanneqarneranut tapiissutinut Konto 59-10/4/35-00 piulermalli, tapiissutaasartut ukiut ingerlanerini nikerarput:

Ukioq	Missing	Tapiiss	Aningaasaliissutit
2008	2.992	308	3.300
2009	3.592	120	3.712
2010	3.592	800	4.392
2011	3.592	620	4.212
2012	3.412	800	4.212
2013	3.412	800	4.212
2014	4.565	-353	4.212
2015	4.212	-800	3.412
2016	3.898		

Taseralik 2009-mi tapiissutinik qaffaanikkut 120.000 koruuninik illumut akiliutissanik pisarpoq. Ukiuni aallartisarfiusuni amigartuungaatsiarnerup malitsigisaanik, 2010-mi taassumalu kingorna tapiissutit qaffanneqarneratigut Taseralik 800.000 koruuninik pisarpoq.

Innutaasut illuat 2012-imi matuneqarpoq, Ilaqutariinnullu kiffartuussivik tassunga nuulluni, tassanilu ingerlatat ilaat tiguneqarlutik. Innutaasut illuani ingerlatat assigiingitsut sumiiffinnut assigiinngitsunut nussorneqarput, eqqarsaataalluni cafeteriamik ingerlatsinermut 353.000 koruuninik nalinganut, aammalu peqatigiiffiit assigiinngitsut 800.000 koruunit nalinganut illusimatinnissaanut atugassat eqqarsaataavoq. 2012-imi decembarip qaammataani missingersuutit akuersissutigineqarnerini aalajangiivigineqarpoq, taamaasilluni 2013-imut ukiunilu missingersuusiorfiusuni aningaasaliissutit 1.153.000 koruunit ilanngunneqassallutik.

2013-ip upernaagaa siunertanut allanut, ilaatigut pingaarnertut Friskole-mut atugassanik 353.000 koruuninik Taseralik-mit nuussisoqarpoq, 2013-imuinnarli. Tamannalu patsisaalluni 2013-imut aningaasaliissutit 800.000 koruuninngorlutik. (1.153.000 kr. - 353.000 kr.).

2014-imi aningaasaliissutit 4.565.000 koruuniusimapput. (3.412.000 kr. + 1.153.000 kr.), 2014-imi aprilimi Taseralimmiit 353.000 koruunit Friskolemumut nuunneqassasut aalajangiunneqarpoq (takuuk ilanng. 4). Tamatumuuna ingerlaavartussamik. Tamanna patsisaalluni 2014-imi aningaasaliissutit 4.212.000 koruuninngorlugit naammassineqarput.

2014-imi aprilimi aningaasaqarnermut systemimut nalunaarsorneqarsimasut ajoraluartumik 2014-imut taamaallaat tunngassuteqarput – ukiut missingersuusiorfiusut ilanngunneqaratik. Tamanna kukkuneq 2015-ip upernaagaa iluarsineqarpoq, 2015-mi ukiunilu missingersuusiorfiusuni missingersuutitigut aamma 353.000 koruuninik ilanngaavigineqarput.

Taamaasinerani 2015-imi missingersuutininut tunngatillugu UKFU/ØU aalajangiivoq, siunertanut allanut, pingaarnertut Sisimiuni naluttarffimmumut Kangerlussuarmilu fritterimut 353.000 koruuninik nuussisoqassasoq (Takuuk ilanng. 3). Taamaasilluni 2015-mi ukiunilu missingersuusiorfiusuni missingersuutit 4.212.000 koruuninngorlutik. (4.565.000 kr. - 353.000 kr.). Tassa 2015-imi Taseralik-mut missingersuusiasut. 2014-imi apriliugaa aalajangiinermi aammaarluni 353.000 koruunit ilanngaatigineqaqqippat, sorluttaaq ukiup naaneranumut 447.000 koruuninik nuussisoqarluni, tamatumani 2015-imuinnaq.

2016 aningaasaliissutit katinernerini aningaasaliissutit 4.212.000 koruuniusunit cafeteriaqarnermut 353.000 koruunit ilanngaatigineqarsimapput, taamaasilluni 3.859.000 koruuninngorlutik. Tamatuma kingunerisaanik aningaasat procentimik ataatsimik missingersuutit sinnerinut naligiissaarinnikkut naatsorsorneqarput, aningaasallu 3.898.000 koruuninngorlugit naammassineqarlutik. Taseralik 2016-imi januaarip 15-iani qinnuteqarnermini ilisimatitsivoq, ukiuq 2013 immikuullarissumik ingerlatsiviusimasoq, 2014-imi taamaallaat 114.230 koruuninik sinneqartoorfiusimasoq, naak saniatigut 800.000 koruuninik tapiissuteqartoqarsimagaluartoq, aammalu 2015-imi immikkut tapiissuteqartoqarani 590.970 koruuninik amigartoorfiusimasoq.

2015-imi upernaakkut ataatsimeersuarnermi aningaasaqarneq pillugu Taseralik saqqummiivoq, tassanilu erserpoq, allanik tapiissuteqartoqanngippat Taseraliup aningaasaqarnera ingerlasinnaanngitsoq.

#### Atuilluartuunissakkut kingunerisinnaasai

Inuiaqatigiit kulturikkut nukittuumik inissisimanerat atuilluartuuneruvoq.

#### Aningaasaqarnikkut allaffissornikkullu kingunerisinnaasai

2016-imut Taseraliup ingerlanneqarneranut tapiissutit maannamut missingersuutaasut 3.898.000 koruuniusut katiterneqarnerat nalaatsornerorpassippoq. Taseraliup ingerlanneqarneranut tapiissutit



taaneqartut 3.412.000 koruuniinnaapput. taamaasilluni Taserallimmut taaneqartut amerlanerusut 486.000 koruunit immikkoortinneqarsimallutik.

Tapiissutip qaffaataa pituttorsimangitsumik/piumasaqaateqanngitsumik allatigulluunniit tunniunneqarsinnaapput. Taamaasilluni peqatigiiffinit allanilluunniit atorveqartarneranut piumasaqaataasunik erseqissaasoqassanersoq politikkikkut isummerfigineqarsinnaavoq. Imaasinnaallunil Taserallimmik atuafiiit atuisarnerat.

#### Allaffeqarfiup naliliinera

Allaffeqarfik isumaqarpoq, Taserallimmut tapiissutit qaffanneqartariaqartut, kisiannili qinnutigineqartut 800.000 koruuninut qaffanneqassanersut ikinnerussanersulluunniit nalileruminaappoq. nalileruminaappoq.

Missingersuutinit aningaasat immikkoortinneqartut Taserallik-up ingerlanneqarneranut tapiissutit atussagalarpata, 2015-imut sanilliullugu 2016-imi 486.000 koruuninik amerlanerussapput. Taamaasilluni kontoniit allaniit nuutsinikkut aningaasanik nassaarniarnissaq pisariaqassanani.

Taserallip ingerlatsinermut saniatigut tapiissutinik 800.00 koruuninik qinnuteqaataa akuerineqassagalarpat, qaavatigut 314.00 koruunit nassaarniarneqartariaqassapput. Taamaannippat missingersuutitigut sipaarfiusussanik ujartuisoqartariaqassaaq.

#### Allaffeqarfiup innersuussutaa

Ilinniartitaanermut, Kulturimut Sunngiffimmullu ataatsimiititaliamut innersuussutigineqarpoq, Taserallimmut aalajangersimasumik tapiissutit 2016 aallarnerfigalugu 3.412.000 koruuniussanersut aalajangeqqullugu,

- A. 3.412.000 koruunit
- B. Missingersuutit malillugit 3.898.000 koruuniussanersut, taamaasilluni 486.000 koruuninut qaffanneqarlutik
- C. qinnuteqaat malilugu 4.212.000 koruuniussanersut, taamaasilluni 800.000 koruuninut qaffanneqarlutik

#### Ilinniartitaanermut, Kulturimut Sunngiffimmullu ataatsimiititaliap suliamik suliarineqarnera

Innersuussummut siunnersuut aalajangiuneqartoq A. 3.412.000 koruunit.  
Innersuussuteqartut: Hans Frederik Olsen, Tønnes Kreutzmann, Jan Boller.

Kommunalbestyrelsimut aalajangigassanngorlugu ingerlateqqinneqarnissaanik innersuuteqartoq Alfred Olsen.

Imm. Kommunalbestyresimut ingerlateqqinneqassaaq.

#### Suliap kommunalbestyrelsimut suliarineqarnera

Kommunalbestyrelsen 2016-imi maajimi ataatsimiinnissaanut kommunalbestyrelsi suliamik kinguartitsivoq.

#### Allaffeqarfiup innersuussutaa

Ilinniartitaanermut, Kulturimut Sunngiffimmullu ataatsimiititaliamut, Aningaasaqarnermut

ataatsimiititaliamut Kommunalbestyrelsimullu akuerisassanngorlu allaffeqarfimmit innersuussutigineqarpoq,

-2016-imut missisngersuutit 3.898.000 koruuniusut aammalu ukiunut missingersuusiorfiusunut immikkoortinneqartut naapertorlugit Taseralik-mut aningaasaliissutit aalajangiusimaneqassasut

Ilinniartitaanermut, Kulturimut Sunngiffimmullu ataatsimiititaliap suliamik suliarinninnera  
Innersuussut ataatsimiititalip ataatsimiinnermini ulloq, 9. maj 2016 akuerivaa.

Aningaasaqarnermut ataatsimiititaliap suliamik suliaqarnera

Aningaasaqarnermut ataatsimiititaliap majip 17-ani 2016-imi ataatsimiinnermini suliaq suliarivaa innersuussullu akueralugu.

### **Innersuussut**

Aningaasaqarnermut ataatsimiititaliamiit Kommunalbestyrelsimut akuerisassanngorlugu innersuussutigineqarpoq,

-2016-imut missisngersuutit 3.898.000 koruuniusut aammalu ukiunut missingersuusiorfiusunut immikkoortinneqartut naapertorlugit Taseralik-mut aningaasaliissutit aalajangiusimaneqassasut

### **Aalajangiineq**

#### **Ilanngussaq**

1. Taseraliup qinnuteqaataa 2016-imi januarip 15-ianeersoq
2. 2015-imi februaarip 27-ani Ilinniartitaanermut, Kulturimut Sunngiffimmullu atatsimiititaliap imaqarniliami immikkoortoq 5-mit imaqarniliornera.
3. Aningaasaqarnermut atatsimiititaliap 2014-imi aggustip 19-ani ataatsimiinnerani imaqarniliaq, imm.9
4. Aningaasaqarnermut ataatsimiititaliap 2014-imi aprilip 22-iani ataatsimiinnerani imaqarniliami imm.14.
5. Aningaasaqarnermut ataatsimiititaliap 2013-imi decembarip arferngani ataatsimiinnerani imaqarniliaq, imm 8

**Imm. 06 2015-imi sanaartornermut aningaasaliissutit atorneqanngitsut 2016-imut nuunneqarnissai**

*Journalnr. 06.03.01*

Tunuliaqutaq

Ilanngussami takuneqarsinnaallutik sanaartukkanut ingerlasunut tunngatillugu 2015-imi aningaasaliissutinik atunngitsuukkanik (sippuinernillu) 2016-imut nuutsinissamik Teknikkimut Avatangiisinullu immikkoortorta q matumuuna siunnersuuteqarpoq. Sanaartukkanut amerlanerusunut sanaartorneqarnissaanut isumaqatigiissusiortoqareerpoq.

Maleruagassatigut tunngavissat

Karseqarnermut naatsorsuuserinermullu malittarisassat. TAA konto 7-imut akisussaavoq.

Pissutsit atuuttut

Sanaartornermi suliassat takussutissiami ilanngussaq 1-imi takuneqarsinnaapput. Sisimiuni Maniitsumilu sanaartornerit pineqarput.

Atuilluartuunissakkut kingunerisinnaasai

Kingunissaqanngilaq, sanaartukkat aallartisarneqareersut naammassineqarnissaanut aningaasaliissutit nuunneqarnissaat pisariaqarpoq.

Aningaasaqarnikkut allaffissornikkullu kingunerisinnaasai

Sanaartukkanut isumaqatigiissuteqarfioreersunut naammassinninnissamut kommuni pisussaatitaavoq. Suliassanut suli sanaartornissamut entreprenørinut isumaqatigiissuteqarfiunngitsunut, sanaartorneqarnissaat pisariaarussimasutut nalilerneqarsimappata, sanaartugassat maannakkut unitsiinnarneqarsinnaapput. Sanaartukkanut entreprenørinut akiliuteqarfigereersimasanut kiisalu ukiup ataatsip ingerlanerani amigaataasut naammassineqarsimappata, sanaartornermut naatsorsuutit suliarineqassapput. Sanaartukkanut ataasiakkaanut killiffiit ukiumut naatsorsuutini nalunaarsorneqarput, naatsorsuutillu marsip arfineq-pingajuani ataatsimiititaliamut saqqummiunneqarnikuullutik.

Allaffeqarfiup naliliinera

Suliani entreprenørinut aallartereersimasaanni aningaasaliissutinik nuutsinissamut pisariaqartitsinermut, ilaatigut entreprenørinut kinguaattoorsimanerat, ilaatigut 2015-imut missingersuutigineqartunit entreprenørinut suliarisinnaasaannit annertunerunerat patsisaavoq. Sanaartornermut sippuilluni atuiffiusimasuni, missingersuusiordermi suliassap annertunerpaartaa 2016-imi aatsaat akilerneqarnissaa missingersorneqarsimanera sippuilluni atuisimanermut patsisaavoq. 2015-imut missingersuutinit aningaasaliissutinik nuutsitsineq ingerlanneqassaaq.

Allaffeqarfiup innersuussutaa

Allaffeqarfiup Teknikkimut Avatangiisinullu ataatsimiititaliamut innersuussutigineqarpoq akuereqqullugu,

-Teknikkimut Avatangiisinullu ataatsimiititaliap, 2015-imi sanaartornermut aningaasaliissutit katillugit 46.897.000 koruunit 2016-imuit nuunneqassasut, nuutsinerillu ilanngussaq 1-imi tullerriaarsimaneri malillugit, sanaartornermut kontonut ataasiakkaanut agguataarlugit nuutsinissaq, aningaasaqarnermut ataatsimiititaliamut innersuussutigissagaa

Teknikkimut Avatangiisinullu ataatsimiititaliap suliamik suliarinninnera

Ataatsimiititaliap maajip 10-ani 2016 ataatsimiinnermini innersuussut akuersissutigivaa.

Aningaasaqarnermut ataatsimiititaliap suliamik suliaqarnera

Aningaasaqarnermut ataatsimiititaliap majip 17-ani 2016-imi ataatsimiinnermini suliaq suliarivaa innersuussullu akueralugu.

**Innersuussut**

Aningaasaqarnermut ataatsimiititaliamiit Kommunalbestyrelsimut akuerisassanngorlugu innersuussutigineqarpoq,

-2015-imi sanaartornermut aningaasaliissutit katillugit 46.897.000 koruunit 2016-imit nuunneqassasut, nuutsinerillu ilanngussaq 1-imi tullerriaarsimaneer malillugit, sanaartornermut kontonut ataasiakkaanut agguataarlugit nuutsinissaq, aningaasaqarnermut ataatsimiititaliamut innersuussutigissagaa

**Aalajangiineq**

**Ilanngussaq**

1. Sanaartornermut aningaasaliissutinik atunngitsuukkanik (imaluunniit sippuilluni atorneqarsimasunik) 2015-imit 2016-imit nuutsineq.

**Imm. 07 Iliveqarfimmik nutaamik pilersitsinissaq aningaasaliinissarlu**

*Journal nr. 22.06*

Tunuliaqutaq

Teknikkimut Avatangiisinullu immikkoortorta q ukiarmi Sisimiuni palaseqarfimmut ilagiillu sinniisannut attaveqarpoq, iliveqarfimmi pioreersumi 2009-mi alliliinermi ilimagisamit tigusinnaasai annikinnerusut TAI-ip nalilermagu, aammalu 2017-imi ilerri amerlassusigisinnaasaannik alliliinissaq toqqissisimanarnerussammat. Iliveqarfik siunissamut sumi qanorlu isumannaarisooq paasineqassasooq palaseqarfimmik ilagiillu sinniisaannik ataatsimiinnermi paasineqartussaavoq.

Aaqqiissutissat marluk aallaavigineqarput. Aappaa tassaalluni maanna iliveqarfiusumik avannamut (takuuk nunap assinga) alliliineq. Akia-ni (takuuk nunap assinga) iliveqarfimmik nutaamik inissiinissamik peqarpoq. Ataatsimiinnerup kingorna pioreersup allilerneqarneratigut inissaq ukiuni qassini atorsinnaanersoq aammalu Akia-ni nunaminertamik atulersitsinikkut inissaq qanoq annertutigissanersoq TAI-p naatsorsornikuuvaa. Aaqqiissutissanut marluusunut pioreersumik alliliinermut Akia-nullu nuutsinermut atatillugu sanaartornermut aningaasartuutissat naatsorsorneqarput.

Maleruagassatigut tunngavissaq

Iliveqarfeqarnermi Inatsisartut peqqussutaat nr. 6, 17. Oktober 1990-imeersoq.

*Iliveqarfiiit ungalooqartinneqarneri, avatangiisaat il.il pillugit Namminersornerullutik Oqartussat nalunaarutaat nr. 47, 28. november 1990-imeersoq.*

Teknikkimut Avatangiisinullu ataatsimiititaliaq konto 2-mut, taamaalillunilu iliveqarfinnut akisussaasuvoq

Pissutsit atuuttut

” Iliveqarfeqarnermi Inatsisartut peqqussutaat nr. 6, 17. oktober 1990-imeersoq” naapertorlugu:

- § 1. Iliveqarfinni kommunip innuttaanut naammattunik ilivernut inissaqartitsinissaq kommunalbestyrelsip isumagissavaa.
- § 1 imm. 2 malillugu, iliveqarfinnik pilersitsiortorneq, ingerlatsineq aserfallatsaaliinerlu kommunalbestyrelsip akilersussavaa.
- § 1 imm. 3, Apequtini iliveqarfinnut tunngassuteqartuni kommunalbestyrelsip ilagiit sinniisui oqaaseqaateqartittassavaat.

§ 1 imm. 3-mut tunngatillugu, soorlu taaneqareersoq palaseqarfimmik ilagiillu sinniisaannik ataatsimeeqateqartoqarnikuuvoq. Akian-ni iliveqarfimmik nutaamik pilersitsinissamik kissaateqarlutik palaseqarfik ilagiillu sinniisaat akuersissuteqarnikuupput. Palaseqarfimmit ilagiillu sinniisaannit allakkat – takuuk ilanngussaq 3.

Inatsisartut peqqussutaanni tassani § 4 malillugu, Naaalakkersuisut (Namminersornerullutik Oqartussat) – iliveqarfinnik pioreersunik alliliinerit nutaamillu inissiinerit akuersissuteqarfigisussaavaat.

Iliveqarfimmi pioreersumi piffissami matumani ukiunut marluk pingasut missaannut inissaqarpoq. Avannamut alliliinermi ukiunut arfineq-pingasuniit qulit tikillugit inissaqalissasooq missingersorneqarpoq. Tamatuma kingorna inissamik nutaamik nassaartoqaannartariaqassaaq. Akiani iliveqarfimmik nutaamik pilersitsinermi ukiut 50-it 60-it tikillugit inissaqalernissaa

qulakkeerneqassaaq. Iliveqarfik pioreersoq amerlasuutigut apinikkaajuvoq aammlau ilisisoqarneranut atatillugu aputaajaanermut aammalu ilerrinik assaanermut atatillugu aningaasanik amerlasuunik atuisoqartariaqartarpoq.

Akia-ni nunaminertamik pissusiusut, aputaajaansisamut annikinnerusumik pisiaqartitsissasoq TAI-p nalilernikuuvaa.

Ilveqarfimmik pilersitsineq, Maniitsumi periusaasoq assigalugu, sioqqanik tikisitsinikkut pilersinneqassaaq – aammalu taamatut periuseqarnikkut ilerrinik assaanermut atatillugu assaaneq ajornannginnerussaaq, pissutsinut pioreersunut sanilliullugu sioqqat panertut oqimaatsumik suliaqarnannginnerummata.

#### Atuilluartuunissakkut kingunerisinnaasai

Siunissaq qaninnerusooq ungasinnerusorlu piffissaagallartillugu aningaasaliissutaasut pisarialimmillu pilersaarutit sipaarutaassapput.

#### Aningaasaqarnikkut allaffissornikkullu kingunerisinnaasai

Iliveqarfimmik pioreersumik alliliinissamut aammlau iliveqarfimmik nutaamik pilersitsinsisamut missiliummik C-mik TAI suliaqarnikuuvoq. Deichmann-ip Aqq.-utaani aammalu Akia-ni Asummiunut eqqaani nutaamik pilersitsinermut missiliuut ilanngussaq 4-mi takuneqarsinnaavoq.

Deichmann Aqq-taani iliveqarfik: missiliuut - C 2,9 mio. koruunit – Atorneqarsinnaanera ukiut 10 – 12 missaani.

Akia-ni Asummiuni iliveqarfik: missiliuut - C 2,25 mio. koruunit – atorneqarsinnaanera ukiut 10 – 12 missaani.

Tamatuma kingorna Akia-ni Asummiuni iliveqarfimmik alliliinissamut periarfissaqarpoq ukiuni 50- iniit 60-it missaani atuussinnaanngorlugu.

#### Qullersaqarfiup oqaaseqaatai

Oqaaseqaateqanngilaq.

#### Allaffeqarfiup naliliinera

Palaseqarfimmik ilagiillu sinniisaannik ataatsimeeqateqarnermi allaffeqarfiup Akia-ni iliveqarfimmik nutaamik pilersitsinissaq inassuteqaatiginikuuvaa.

Pioreersumik alliliinissaq pilersitsineq akisuujussaaq inissakinnerullunilu.

Naammattumik inissaqarnissaq qulakkeerniarlugu alliliinissap pilersaarusiorneqarnissaa ukiumi missingersuuteqarfiusumit 2017-imit aallartinneqassasoq nalilerneqarpoq.

Teknikkimut avatangiisinullu immikkoortortamit takkunneqartut Akia-ni iliveqarfimmik pilersitsinissamik inassuteqaatit, palaseqarfimmit ilagiillu sinniisaannik taperserneqarsimanerat, Teknikkimut Avatangiisinullu immikkoortortamut pingaaruteqarnikuuvoq. Ataatsimiiissimanerit malillugit aammalu ilanngussaq 3-mi allakkat malillugit, iliveqarfimmik nutaamik pilersitsinissamut tapersersuisoqarpoq.

#### Allaffeqarfiup innersuussutaa

Teknikkimut Avatangiisinullu ataatsimiititaliamit akuereqqullugu allaffeqarfimmit innersuussutigineqarpoq,

-iliveqarfimmik nutaamik inissiinissaq piaartumik kommunip pilersaarusioneqarnerani tapiliussami ilanngunneqassasoq

-Akia-ni iliveqarfimmik nutaamik pilersitsinissaq pillugu, 2017-imut 2,25 mio. koruunit sanaartornermut missingersuutini aningaasaliissutigineqassasut

Teknikkimut Avatangiisinullu ataatsimiititaliap suliamik suliarinninnera

Ataatsimiititaliap maajip 10-ani 2016 ataatsimiinnermini innersuussut akuersissutigivaa.

Aningaasaqarnermut ataatsimiititaliap suliamik suliaqarnera

Aningaasaqarnermut ataatsimiititaliap majip 17-ani 2016-imi ataatsimiinnermini suliaq suliarivaa innersuussullu akueralugu.

### **Innersuussut**

Aningaasaqarnermut ataatsimiititaliamiit Kommunalbestyrelsimut akuerisassanngorlugu innersuussutigineqarpoq,

-iliveqarfimmik nutaamik inissiinissaq piaartumik kommunip pilersaarusioneqarnerani tapiliussami ilanngunneqassasoq

-Akia-ni iliveqarfimmik nutaamik pilersitsinissaq pillugu, 2017-imut 2,25 mio. koruunit sanaartornermut missingersuutini aningaasaliissutigineqassasut

### **Aalajangiineq**

#### **Ilanngussaq**

Ilanngussaq 1 + 2 – Pioreersumik alliliinissamut aammalu Akia-ni iliveqarfimmik nutaamik pilersitsinissamut nunap assinga.

Ilanngussaq 3 – palaseqarfimmit ilagiillu sinniisaannik allakkat.

Ilanngussaq 4 – pioreersumik alliliinermi aammalu Akia-ni iliveqarfimmik nutaamik pilersitsinermi missiliuut C.

Ilanngussaq 5 – Iliveqarfeqarnermi Inatsisartut peqqussutaat nr. 6, 17. oktober 1990-imeersoq.

## **Imm. 08 Qeqqata Kommuniani kommunip illuutaanik aserfallatsaaliineq**

*Journalnr. 09.00*

### Tunuliaqutaq

Allaffissornermi sulineq pitsaanerulersinniarlugu sunniuteqarnerulersinniarlugulu, minnerunngitsumillu kommunip tamarmiusup iluani illuutit ataavartumik isumannaatsuutinnissaanut aningaasanik pisariaqartunik nassaartoqarnissaa maanna Qeqqata Kommuniani pisariaqartinneqalerpoq.

Aningaasat pisariaqartinneqartut annertussusaat paasiniarlugu Sisimiuni aserfallatsaaliinermik pisaqartitsinermik nalilersuisoqarnikuuvoq, misissuinerlu ima ingerlanneqarpoq, Sisimiuni paasisat Qeqqata Kommuniani tamarmut illuutitut aallaavittut atorneqarsinnaasunngorlugu.

Kommunip iluani kiisalu avataani siunnersortinut entreprenørinullu ataqatigiissaarinnermut tunngatillugu, allaffissornerup ingerlaannalernissaanut periarfissat TAI-ip misissuiffiginikuuvai. Tamanna aserfallatsaaliinerniinnarmut atuutinnigilaq, kisianni aamma nutarsaalluni suliaassanut annertunerusunut nutaanillu sanaartornissaanut atuuppoq. Minnerunngitsumik immikkoortut ataasiakkaat suliffeqarfimminnik ulluinnarni ingerlatsinissamut annertunerusumik aallussinissaat aamma aallaavigineqarpoq.

Kommuni illuuteqarpoq suliffeqarfiit, allaffeqarfiit, inuutissarsiuuteqarfiit attartortittakkat kiisalu ilinniartut inaat assigiinngitsut ulluinnarni ingerlatsinermut avatangiisiliisut, ingerlaavartumillu aserfallatsaaliineqartariaqartut. Ullumikkut aserfallatsaaliinissamut akisussaaffik kommunip immikkoortortaasa ataanni inissisimavoq, siunertamut ukiumoortumik aningaasanik pissarsisartunik. Ilanngussami takuneqarsinnaasutut, sumiiffinni arlalinni ukiuni arlalinni aserfallatsaaliinissamut aningaasaliissutit allanut atorneqartussanngorlugit nuunneqartarsimapput. Tamatuma malitsigivaa aserfallatsaaliinissap kinguaattoorfiunera, piffissallu ingerlanerani annertusiartuinnartoq.

Assersuutigiinnarlugu suliffeqarfiit ataasiakkaat teknikkip tungaatigut piginnaasaqanngillat, tamatumalu ulluinnarni pilersinnaasunik teknikkikkut unammillernartunut aalajangiisinnaanerat ajornakusoorluni. Taamaattumik TAI-mut attaveqaraangata, TAI-mi piffissaq annertooujussuaq asuli atorneqalertarpoq, tamannalu tassanngaannartumik tulleriaagaanngitsumillu ingerlasarluni. Taamaattumik suliaassamut tunngatillugu allaffeqarfik piareersartinneqanngippat, sanaartugassatut suliaassani minnerusunni annertunerusunilu suliariumannittussarsiuussinermut inatsit malinneqarnerisooq Qeqqata Kommuniata tamakkiisumik nakkutigisinnaanngilaa.

Ullumikkut ingerlatsinermut immikkoortortat tamarmik illuutiminnik aserfallatsaaliinissamut atugassatut ataatsimiititaliaminnit akuerisaasunik missingersuuteqarput, nalinginnaasumik (suliaassanut nukinginnartunut) tulleriaagaanngitsumik atorneqartunik, tamatumalu ukiup naatsorsuuseriffiusup naanerani tamakkerlugit atorneqarsimannngippata nuutsinneqartartunik. Ukiunut aggersunut aningaasanik immikkoortitsisoqarneq ajorpoq, assersuutigalugu pilersaarutaasumik aserfallatsaaliinissamut kontomut (soorlu sanaartornermut kontomut) aserfallatsaaliilluni suliaassanut annertunerusunut, soorlu igalaanik taarsersuineranut imaluunniit illunik oqorsaaqqinnermut, taakkununga ilanngullugu kiassaatinik kiassarnermullu atortunik nutaanngilisunik taarsiinissamut,




Maleruagassatigut tunngavissat.

- Kalaallit Nunaani sanaartornermut malittarisassat 2006-imeersut + ilassutillu
- Negeroortitsinermit inatsit (Inatsisartut inatsisaat nr 11, 2 december 2009-meersoq)


Pissutsit atuuttut

Ullumikkut Sisimiuni, Sarfanguani, Itillimi, Kangerlussuarmi nunamut 51.000 m<sup>2</sup>-tut annertutigisumut siammarsimasunik illunik allaffissornermut atorneqartunik 162-inik peqarpoq, kiisalu Maniitsumi, Atammimmi, Napasumi, Kangaamiuni nunamut 27.300 m<sup>2</sup>-mut annertutigisumut siammarsimasunik allaffissornermut atorneqartunik illunik 83-inik peqarpoq. Ullumikkut Ilinniartitaanermit, Teknikkimut Avatangiisinullu, Ilaqutariinnermit kiisalu allaffeqarfimmit immikkoortortaarfimmit illut aqunneqarput. Immikkoortut ataasiakkaat ingerlatsinermit missingersuutiminni ingerlatsinermit immikkoortortaminni ataasiakkaani aserfallatsaaliinerup iluani akisussaaffiit agguataarnikuuaat. Suliassanik ingerlatsinissamik aqutsisuusoq imaluunniit immikkuullarissuni sumiiffinni pedeliusut aningaasat aqutarivaat.

Kommunip illuutaanik atuilluartumik aserfallatsaaliinissamut pisaqartitsineq pisariaqartoq namminersortut kiisalu pisortat missingersuutaat / atuinerat, minnerunngitsumillu misilittakkanik kisitsisit aallaavigalugit paasissutissat akuerisaasut TAI-p qanimut misissuataarnikuuaa. Tullinguullugu kommunip Qeqqata Kommuniani illuutaanik misissuinikuuvoq paasiniarlugu, tamakkiisumik aserfallatsaaliinissamik pisaqartitsineq qanoq annertutiginersoq. Inernerup takutippaa, illuutit atuilluartumik aserfallatsaaliinissamut aserfallatsaaliinermi aningaasat m<sup>2</sup>-mut 267 koruuni aallaaviussasoq, taassumalu illup iluani silataanilu aserfallatsaaliinnaaneq matussusissavaa. Tamanna isumaqarpoq, Sisimiunut eqqaanullu ukiumut 51.000 m<sup>2</sup>-mut 13,62 mio. koruunit kiisalu Maniitsumut eqqaanullu 27.300 m<sup>2</sup>-mut 7,3 mio. koruunit missingersuutigineqassat.



Asseq 1: Tigulaariffik: Winformatikkimit missingersuutitigut kisitsisit tigulaakkat, Sisimiuni aserfallatsaaliinissamut pisariaqartitat (tkoruuninngorlugit)



**Asseq 2: Tigulaariffik: Winformatikkimit missingersuutitigut kisitsisit tigulaakkat, Maniitsumi aserfallatsaaliinissamut pisariaqartitat (tkooruninngorlugit)**

Assini qulaaniittuni ukiuni 2009-miit 2020-imut kommuni qanoq missingersuusiorsimanersaq takuneqarsinnaavoq. Sisimiuni katillugit ukiumut agguaqatigiissillugu 5,565 mio koruunit Maniitsumilu katillugit ukiumut agguaqatigiissillugu 2,24 mio koruunit missingersuutaasarput. M2-mut tunngatillugu kisitsisit annertussusaat qiviaraanni, Sisimiunut m2-mut 109 koruuninik Maniitsumullu m2-mut 82,2 koruunit illunik aserfallatsaaliinermi aningaasaliinerussarpoq. Tamatuma takutippaa Sisimiuni Maniitsumilu ingerlatsinermut aningaasartuutaasuniit 41 procentusunit 31 procentusuniillu qaffasissutissatut inassuteqaataasup m2-mut 267 koruuniusup missingersuutit annikinneerarsuunerat. Tamanna isumaqarpoq, Sisimiunut 59 procenti (m2-mut 163 kr) Maniitsumullu 69 procenti (m2-mut 182 kr.) amigaataasut.

Aningaasaliinissap taamak annikitsigisup saniatigut, paasinarsivoq ingerlatsinermut immikkoortuni ataasiakaani assigiinngissuteqartitsisoqartoq, tassa kisitsisinik m2-mut 18 koruunit aammalu m2-mut 2.164 koruunit akornanni missingersuuteqartoqarmat. Tamanna sumiiffinni ingerlatsinermut sunnuteqarsinnaavoq, illuutiminnik aserfallatsaaliinissamut akissaqarnaviangimmata allallu ajunnginnerusumik atugassaqartitaassallutik, taanna ilanngussami takuneqarsinnaavoq.

Kisitsisit pigineqartut saniatigut, inissiatinik ingerlatsinermut aserfallatsaaliinermut aningaasartuutininik misilittagaqartunit INI A/S-imit TAI pissarsinikuuvoq. Tamanna ingerlanneqarpoq kommunip periaasai INI A/S-imit sanilliunniarlugit. INI A/S paasititsivoq, ullumikkut inissianik ingerlatsinermut m2-mut aki 253 koruunit pitsaanerpaasoq, ukunungalu agguataarneqarsimasoq:

- 35 procenti (m2-mut 89 koruuni) nalinginnaasumik aserfallatsaaliilluni (NA) suliassanut, ukiumi ingerlatsinermi inissianik nakkutilliisut suliarsinnaasaat soorluttaaqq kommunip pedeliisa suliarsinnaasaat.
- 65 procenti (m2-mut 164 koruuni) Pileraarutaasumik asersallatsaaliinermut (PA), taannalu

sanaartornermut kontomut ikineqartarpoq, ukiullu ingerlanerani suliassat apeqqutaallutik illuutitik nakkutilliisunit ingerlanneqartarluni.

NA atorlugu inissianik nakkutilliisut pinartunik suliassanik suliaqarsinnaapput, pingaartumillu illup iluani aserfallatsaaliinernik aammalu PA atorlugu Illuutitik nakkutilliisut ukiunut arlalinnut pilersaarusiorsinnaapput, taakkulu suliassanut annertunerusunut soorlu illup silaataanik aserfallatsaaliinnernut, nukimmik pitsaanerusumik atuinissamut il.il. atorneqarsinnaallutik. Kommunimi tullerriarineramik illup iluani atuisoqanngilaq imaluunniit aningaasaqanngilaq, kommunip allaffissornermut illuutaanut aserfallatsaalisassanut annertunerusunut kiisalu assersuutigalugu siumut ukiunut arlalinnut pilersaarusiortariaqartunut atorsinnaasaanik, tamatumalu kingunerisinnaallugu siunissami illut ingutserneqartariaqarsinnaaneri aammalu annertunerusumik aningaasartuutaasunik nutaanik sanaartortoqartariaqalerneq, tamanna assersuutigalugu illoqarfimmi inissianik ingutserilluni INI suliniuteqarnera, tassani illunik piginnittuusut taamanikkut aserfallatsaaliinissamut annikitsumik aningaasaliinissaq toqqarsimammassuk, taamaalilluni PA-mut aningaasaliisoqarani. Taamaattorli Sisimiuni kommuni inissiaatiminut aserfallatsaaliinermi aningaasaliissutinik naammattunik toqqaanikuvoq, taamaalilluni NA-mik PA-millu INI ingerlatsisinnaangorlugu, tamanna aamma illoqarfimmi malugineqarsinnaavoq, Namminersorlutik Oqartussat inissiaataannit kommunip inissiaatai pitsaanerummata.

#### Atuilluartuunissakkut kingunerisinnaasai

Kommunip inuutissarsiornikkut illuutaanut aserfallatsaaliinissamik pilersaarusiorneq pitsaanerusup, allaffissorikkut suliassanik annikillisaataasinnaavoq, naggataatigullu sullissinermut piffissaq atorneqartoq annikinnerulerluni aammalu sullissisuni pitsaanerusumik sunniuteqarluni, minnerunngitsumillu ingerlatsiviit suliassanik takkussuuttunik annikinnerusunik suliaqaannalernerannik kinguneqartussaq.

Illuutitik atuilluartumik aserfallatsaaliinerup qulakkiissavaa, illut ukiuni amerlasuuni atasinnaanerunissaat. Assersuutigalugu NA-mik PA-millu ingerlaavartumik aningaasalersuinissamik pilersaarut eqqarsaatigalugu aammalu m2-mut 267 koruuninik m2-mut akimik aalajangersimasumik aalajangersaanikkut, Qeqqata Kommunian ukiut 25-t qaangiuppata aningaasartuutaanik annikilliliinissamut periarfissiisaaq. Illuutitik nutaanik katillugit 1 mia. koruuninik akeqartussanik sanaartornermut aningaasaliinissamut sanilliullugu, pitsaanerusumik aserfallatsaaliinermut aningaasaliineq Qeqqata Kommunianut ukiunut 25-nut agguataagassanik 350 mio. koruuninik akeqassaaq. Naatsorsuinernut ilanngussaq takuuk.

Suliniutissaq pisariaqartoq kommunip atuilluartuunissamik suliniutaanut "illut peqqinnartut isumannaatsullu" naapertuullunnarpoq, taakku ilaatigut 2020-mut CO2-mik aniatitsineq annikillisarniartussaavaat.

#### Aningaasaqarnikkut allaffissorikkullu kingunerisinnaasai

Soorlu nassuiarneqareersutut Qeqqata Kommuniani missingersuutini aningaasaliissutaasuni agguataarneqartunilu, aningaasat qanoq agguataarneqarsimanersut misissugassaqpput, ingerlatsinermi missingersuutini nikerarnerit annertunerusunut ingerlatsinermi immikkoortuni assigiinngitsumik missingersuusiortoqartarmat. Taamaattorli kommunimi tamarmi missingersuutit annertussusaat NA-mut naammappoq. Taamaattorli oqimaaqatigiisitsineq taanna aningaasanik nuutsinertalik m2-mut 267 koruunimit 35 procenti aki aalajangersimasuusoq m2-mut 94 koruuninut assigiimmik agguataarneqarneqassaaq. Agguataarineq immikkoortortani ataasiakkaani pissaaq, taamaalilluni agguataarineq namminneq illuutitik eqqarsaatigalugit pissalluni.

Sisimiunut eqqaanullu ingerlatsinermi missingersuutitut aningaasaliinissaq 4,794 mio. koruuninik 2016-imit 2020-mut isigaluni immikkoortuni tullinnguuttutut agguataarisoqassaaq:

<i>Immikkoortortaq</i>	<i>m2-mut tamakkiisumik illuutit</i>	<i>T.koruuninngorlugu NA-mut tamakkiisumik pisiariaqartitassat</i>	<i>T.koruuninngorlugu agguaqatigiissillugu missingersuutit</i>	<i>T.koruuninngorlugu nikingassut</i>
<i>Allaffeqarfik/Teknikkeqarfik</i>	11.082,97	1.041,80	1.197,86	156,06
<i>Suliffissarsiuussisarfik/Ilinniartitaanermut immikkoortortaq</i>	35.925,02	3.376,95	3.578,00	201,05
<i>Ilaqutariinnermut</i>	3.992,01	375,25	789,86	414,61
<i>Katillugu inernera</i>	51.000,00	4.794,00	5.565,71	771,71

Maniitsumi eqqaanullu ingerlatsinermi missingersuutitut aningaasaliinissaq 2,566 mio. koruuninik 2016-imit 2020-mut isigaluni immikkoortuni tullinnguuttutut agguataarisoqassaaq:

<i>Immikkoortortaq</i>	<i>m2-mut tamakkiisumik illuutit</i>	<i>T.koruuninngorlugu NA-mut tamakkiisumik pisiariaqartitassat</i>	<i>T.koruuninngorlugu agguaqatigiissillugu missingersuutit</i>	<i>T.koruuninngorlugu nikingassut</i>
<i>Allaffeqarfik/Teknikkeqarfik</i>	7.623,25	716,59	477,00	-239,59
<i>Suliffissarsiuussisarfik/Ilinniartitaanermut immikkoortortaq</i>	13.933,98	1.309,79	1.511,14	201,35
<i>Ilaqutariinnermut</i>	5.742,77	539,82	255,71	-284,11
<i>Katillugu inernera</i>	27.300,00	2.566,20	2.243,86	-322,34

Soorlu eqitsisit takutikkaat, Sisiminiuni 772.000 koruuninik sinneqartoortoqassaaq Maniitsumilu 323.000 koruuninik amigaateqartoqassalluni. Sisimiuni immikkoortut ataasiakkaat aningaasaliiffigilluarneqarsimasut takuneqarsinnaavoq, illuatungaatigullu Maniitsumi teknikkeqarfimmut/allaffeqarfimmut kiisalu Ilaqutariinnermut immikkoortortamut aningaasaliissuteqartoqarsimanngitsoq. Taamaattorli immikkoortut ataasiakkaat ingerlatsinermut immikkoortuminnut aningaasat naligiimmik agguataarsinnaavaat, taamaalilluni ingerlatsinermit missingersuutit ingerlatsinermi aserfallatsaaliinnermut m2-mut 94 koruuninik ingerlasinnaallutik. Aningaasat ingerlatsinermit naatsorsuutitut nalinginnaasunut ilanngussaareerput taakkulu konto 22 ataani takuneqarsinnaallutik, taakkuli immikkoortunut ataasiakkaanut nuutsinneqassapput. Missingersuutini kisitsisiviit ukiumi naatsorsuuseriffiusumi pineqartumi aningaasat nalingat ukiumut nikerarnera malillugu aki nalimmassarneqartussaavoq. Taamaaliornikkut qulaani taaneqartut NA-mik naatsorsorneqartunut aningasartuutaasut matussusersinnaavaat.

NA-p saniatigut PA-mut aningaasalersuinissamut suli aningaasanik amigaateqartoqassaaq. Uani piffissami sivisunerusumi pilersaaruseriffiusumi periarfissaqassaaq. Ukiunut tallimanut

qulinulluunniit pilersaarutaasinnaavoq. Aningaasat taakku sanaartornermut kontomut inissikkusunneqarsinnaapput, illuutiniq pilersaarusiortuni aserfallatsaaliinermut ingerlatsinissamut taamaallaat atugassiaasumut. m2-mut akigititap 267 koruuniusup 65 procentianik, tassalu m2-mut 173 koruuninik aningaasaliisoqarnissaa naatsorsorneqarpoq.

Sisimiunut eqqaanullu sanaartornermi missingersuutitut aningaasaliissutit ukiumut 8,823 mio. koruuninik Maniitsumullu eqqaanullu sanaartornermut missingersuutit ukiumut 4,723 mio. koruuninik annertussuseqassapput. Aningaasat atunngitsuukkat malitsigisaanik ukiunut sanaartorfiusunut nuutsinneqarsinnaapput. Aningaasanik atukkanik nalunaarusiorneq tigorianaassaaq, taamaalilluni malinnaaffigineqarsinnaalluni kiisalu illuni b-normuni aserfallatsaaliinermi ingerlaneq malinnaaffigineqarsinnaassalluni. Ullumikkut asfalterisarnermut sanaartornermi konto assingusoq sanilliunneqarsinnaavoq.

PA-mik suliassanik pilersaarusiorneq agguataarinerlu Teknikkimut Avatangiisinullu immikkoortortamit suliarineqartassaaq, taanna ukiumoortumik ukiunut tallimanut qulinulluunniit pilersaarummik nutartikkamik TAA-mut KB-mullu nassiussisassalluni. Taava pilersaarutini takuneqarsinnaassaaq suliassat sorliit suliarineqarsimanersut qanorlu akeqarsimanersut, taamatullu siunissami qaninnermi suliassat suut suliassaanersut qanoq akeqarumaanersut.

#### Qullersaqarfiup oqaaseqaatai

Oqaaseqaatissaqanngilaq.

#### Allaffeqarfiup naliliinera

Allaffeqarfimmiit nalilerneqarpoq, Sisimiuni Maniitsumilu illunik atuilluarluni aserfallatsaaliinissamut qulaaniittoq pisariaqartoq. Tassunga naqissuserneqassaaq, Maniitsoq isumassarsiatsialaasoq isumaqarlutik isummaminnik saqqummiinikummata, ullumikkut qanoq ingerlasoqarneranut tunngatillugu ammanerusumik sakkussaqarnissaaq ilassutigalugu tassunga peqataasinnaallutik.

Atuilluartumik illuutiniq aserfallatsaaliinissaaq 100 procentimik angutinnagu, immikkoortortat ataasiakkaat ullumikkut missingersuutiminnut akisussaasuusut, nalinginnaasumik illuutiniq aserfallatsaaliinermut ingerlatsinermi aningaasat atugassat nalimmassassagaat. Tamanna taamaammat immikkoortortat sinnerinut inassutaannaavoq.

Pilersaarusiukkamik aserfallatsaaliineq eqqarsaatigalugu, Sisimiuni TAI-mi Maniitsumilu TAI-mi namminneq taakku ingerlatissagaat periusiussaaq nalinginnaasoq.

Allaffeqarfiup nalilerpaa, kommunip inissiaatai eqqarsaatigalugit maanna INI A/S-imik ingerlanneqarluni aaqqiineq pitsaanerusoq, taamaattumik una innersuussut kommunip illuutaanut kisimi, inissiat minillugit tunngasuusoq.

#### Allaffeqarfiup innersuussutaa

Allaffeqarfiup Teknikkimut Avatangiisinullu ataatsimiititaliamut innersuussutigaa,

-Sisimiunut Maniitsumullu sanaartornermut kontomi inissitassanngorlugit ukiumi 2015-imi akigititani ukiumut 8,823 mio. koruunit aammalu 4,723 mio. koruunit ukiumut aningaasaliissutigineqassasut, taamaalilluni kommunip illuutaanut m2-imut 173 koruunit nalinganut pilersaarusiarnik aserfallatsaaliisoqarnissamat

-TAI Sisimiut aamma TAI Maniitsup ataatsimiititaliat sinnerinut inassutigissagaat, aningaasaatitik nalinginnaasumik aserfallatsaaliinermut nuutsissagaat, taamaalilluni kommunip illuutai eqqarsaatigalugit ingerlatsiveqarfinni ataasiakkaani m2-mut akigititaaq 94 koruuni malillugu aserfallatsaaliisoqarnissaa anguneqarniassamat

-m2-mut akigititaaq 267 koruuni aserfallatsaliinissamik pisariaqartitsinermut ukiut tamaasa ingerlaavartumik akia nalimmassarneqartassasoq, taamaalilluni nuna tamakkerlugu qaffariartarnera malinnaaffigalugu

#### Teknikkimut Avatangiisinullu ataatsimiititaliap suliamik sularinninnera

Innersuussutigineqartoq itigartitsissutigineqarpoq.

Missingersuutilli 2017-mik atuuttussat sularineqarnerinni allaffeqarfiup siunnersuutaata pingaarnernut akuutinneqarnissaa Teknikkeqarnermut Avatangiisinullu Ataatsimiititaliap ataatsimiitilalianut allanut kommunalbestyrelsimullu innersuussutigaa.

#### Aningaasaqarnermut ataatsimiititaliap suliamik suliaqarnera

Aningaasaqarnermut ataatsimiititaliap majip 17-ani 2016-imi ataatsimiinermi suliaq sularivaa innersuussullu akueralugu.

#### **Innersuussut**

Aningaasaqarnermut ataatsimiititaliamiit Kommunalbestyrelsimut akuerisassanngorlugu innersuussutigineqarpoq,

paasissutissiissut tusaatissatut tiguneqassasoq.

#### **Aalajangiineq**

#### **Ilanngussaq**

1. Sisimiuni illut inuutissarsiorfiit allattorsimaffiat
2. Aningaasartuutissat nalilersorneqarnerata naatsorsorneqarnera
3. Sisimiunut Maniitsumullu konto 22 - aserfallatsaaliinermut Winformatikkimit missingersuutit anillatsinnerat

**Imm. 09 Kommunip nersornaasiisarnermi legateqartitsinerminilu aningaasaateqarfiisa 2015-imut naatsorsuutai**

*Journalnr. 00.22*

Tunuliaqutaq

Kommunip nersornaasiisarnermi leqateqartitsinerminilu aningaasaateqarfiisa 2015-imut naatsorsuutaat suliarineqarsimalerput. Tamatumani pineqarlutik

- Sisimiut Kommuneani Nersornaasiisarnermi aningaasaateqarfik,
- Maniitsup Kommuneani Ataqqinaasiisarneq
- Kaaleeranguup Aningaasaateqarfia, aamma
- Pavia Petersen-ip Inuusuttunut Aningaasaateqarfia.

Maleruagassatigut tunngavissat.

Qeqqata Kommuniani karseqarnermut naatsorsuuserinermullu malittarisassat.

Pissutsit atuuttut

2015-imut naatsorsuutit suliarineqartut makkuninnga paasissutissiipput:

**Sisimiut Kommuneata Nersornaasiinermi aningaasaateqarfia** pingasunik nersornaasiisimavoq, tamarmik 5.000 koruuninik aningaasartallinnik, imaluunniit katillugit 15.000 koruunit. Taamatut aningaasaliissuteqarnikkut ingerlatsinermi aningaasartuutit -9.967 koruuninik amigartooruteqartitsisimallutik.

Aningaasaateqarfiup 2015-imi decembarip 31-ani nammineq aningaasaatai 184.650 koruuniupput.

**Maniitsup Kommuneata ataqqinaasiisarnermi aningaasaateqarfia** 10.000 koruuninik aningaasartuuteqarsimavoq. Taamatut aingaasaliissuteqarnikkut ingerlatsinermi aningaasartuutit - 5.668 koruuninik amigartooruteqartitsisimallutik.

Aningaasaateqarfiup 2015-imi decembarip 31-ani nammineq aningaasaatai 187.577 koruuniupput.

**Kaaleeranguup Aningaasaateqarfia** 2015-imi agguaassisimangilaq. Naammassisatigut inernerit takutippaat, 875 koruuninik sinneqartooruteqartoq, oqimaatigiissitsinerullu takutippaat, 2015-imi decembarip 31-ani 152.934 koruuninik nammineq aningaasaateqartoq.

**Pavia Petersen-ip Inuusuttunut Aningaasaateqarfia** 2015-imi agguaassisimangilaq. Naammassisatigut inernerit takutippaat, 915 koruuninik sinneqartooruteqartoq, oqimaatigiissitsinerullu takutippaat, 2015-imi decembarip 31-ani 164.060 koruuninik nammineq aningaasaateqartoq.

Atuilluartuunissakkut kingunerisinnaasai

Annertunerusumik oqaaseqaatissaqanngilaq.

Aningaasaqarnikkut allaffissornikkullu kingunerisinnaasai

Nersornaasiinerit legatinillu agguaasinerit kommunip ukiumoortumik nalunaarusiaanut sunniutissaqanngillat.

Qullersaqarfiup oqaaseqaatai

Annertunerusumik oqaaseqaatissaqanngilaq.

Allaffeqarfiup naliliinera

Annertunerusumik oqaaseqaatissaqanngilaq

Allaffeqarfip innersuussutaa

Kommunip nersornaasiisarnermini legateqartitsinerminilu aningaasaateqarfiisa 2015-imut Naatsorsuutai tusaatissatut tiguneqassasut.

Aningaasaqarnermut ataatsimiititaliap suliamik suliaqarnera

Aningaasaqarnermut ataatsimiititaliap majip 17-ani 2016-imi ataatsimiinermini suliaq suliarivaa innersuussullu akueralugu.

**Innersuussut**

Aningaasaqarnermut ataatsimiititaliamiit Kommunalbestyrelsimut akuerisassanngorlugu innersuussutigineqarpoq,

Kommunip nersornaasiisarnermini legateqartitsinerminilu aningaasaateqarfiisa 2015-imut Naatsorsuutai tusaatissatut tiguneqassasut.

**Innersuussut**

Innersuussutigineqassaaq, aningaasaateqarfiit legatillu 2015-imut naatsorsuutaat tusaatissatut tiguneqassasut.

Kaleerannguup Aningaasaateqarfia aamma Pavia Petersenip aningaasaateqarfia Meeqqanut Kulturimut Sunngiffimmullu ataatsimiititaliamiit eqqumaffigineqarnissaa eqqaatitsissutigineqassaaq

**Aalajangiineq**

**Ilanngussaq**

1. Sisimiut Kommuneani Nersornaasiisarnermi aningaasaateqarfik,
2. Maniitsup Kommuneani Ataqqinaasiisarneq
3. Kaaleerannguup Aningaasaateqarfia, aamma
4. Pavia Petersen-ip Inuusuttunut Aningaasaateqarfia.



**Imm. 10 Ukiumut naatsorsuuseriffiusumut 2015-imut BDO-mit ataavartumik kukkunersiuineq pillugu kukkunersuisut nalunaarutaat nr. 21**

*Journal nr. 06.04.01*

Tunuliaqutaq

Kommunit kukkunersuisui BDO, 2016-imi februaarip pingajuani maileruteqarlutik, 2015-imut ataavartumik kukkunersiuinermut nalunaarusiap ilaa nr. 21 nassiuppaat.

Maleruagassat tunngavigisat

Aqutsinermut inatsimmi § 48 imm. 5 naapertorlugu, kukkunersuisut oqaaseqaataat kommunalbestyrelsimit akineqartussaataapput, aalajangiisoqareerpallu akissuteqaatit Nakkutilliisoqarfimmut nassiunneqassallutik.

Pissutsit atuuttut

2015-imi decembarip 31-ata tungaanut ataavartumik kukkunersiuinermut nalunaarusiap ilaa nr. 21-mut atatillugu kukkunersuisut tulliuttumi eqikkarneqartunik oqaaseqaateqarput:

**Namminersorlutik Oqartussanit utertiffiusartunut tunngatillugu** – Illup iluani nakkutilliinermi **Kukkunersuisup** paasivaat, Suliffissaqartitsiniarnermut isumaginninnermullu tunngatillugu inunnut ataasiakkaanut tunngatillugu suliat suliarineqartarnerinut aqutsisut nakkutilliisarnissaannut malittarisassanik pilersitsisoqarsimanngitsoq.

2011-mut ataavartumik kukkunersiuinermi kukkunersuisut nalunaarutaanni nr. 8-mi, 2012-imut inaarutaasumik kukkunersiuinermi kukkunersuisut nalunaarutaanni nr. 13-imi aamma 2013-imut inaarutaasumik kukkunersiuinermi kukkunersuisut nalunaarutaanni nr. 17-imi kukkunersuisut tamanna eqqaareernikuuaat.

Ilaqutariinnermut aamma Inuutissarsiutinut Suliffissaqartitsiniarnermullu tunngatillugu aqutsisut nakkutilliinissaannut ersarinnerusumik najoqqutassiortoqarnikuuvoq.

Kukkunersuisut innersuussutigaa, aqutsinermi atorneqarsinnaanngorlugu, ilutigalugulu karseqarnermut naatsorsuuserinermullu malittarisassatigut uppernarsaatinik nakkutilliinissami, pitsaassutsimik nakkutilliinissami systemimullu akisussaasup nakkutilliinissaanni atorneqarsinnaanngorlugu ineriartortinneqaqqissasoq.

Suliniarfinni ataasiakkaani kukkunersuisut sulianik misissuinerminni tulliuttut paasivaat;

**Suliffissaaleqisunut iliuusissatut pilersaarutit** misissuataarneqarnerani paasineqarpoq, suliffissaaleqisunut immikkut suliniuteqarnissamut aningaasaliissutit tamakkerlugit atorneqanngitsooratarsinnaasut. Tamatumani kukkunersuisut tikeraarnerisa nalaani kommunip tapiissutaa naatsorsuutinut nalunaarsorneqarsimannginnera, soorluttaaq suliniutit ataasiakkaat aallartinneqarsimannginneri imaluunniit annikitsuinnarnik aningaasartuuteqarfiusimani patsisaapput.

Sisimiunut tunngatillugu **piginnaanngorsaasitsinermi utertitassat** 2015-imi juunip qaammataa ilanngullugu utertinneqarput. Tamatuma kingorna piginnaanngorsaasitsinermut aningaasartuutit pillugit aatsaat 2015-imi oktobarimi naatsorsuutinut nalunaarsuisoqarlunilu utertitsioqarpoq.

Maniitsumut ataasiaannartumik utertitsisoqarsimavoq, naatsorsuinermilu aningaasartuutaasimasut tamarmik ilanngunneqarsimanatik.

Kukkunersiuusut oqaatigaat, ilinniartitaanermut aningaasartuutit tamarmik utertitsiviusussat tamakkerlugit utertinneqarsimanersut nalunartoq. Suliffeqarfinni piginnaangorsaasitsinermi - sulisinnaassuseq pillugu paasineqarpoq, utertitassat procentia suliffeqarfimmi piginnaangorsarneq aallartinneqaraangat suliffeqarfimmut isumaqatigiissutigineqartartoq. Kukkunersiuusut nalilerpaat, siuliani taakkartorneqarluni iliuserineqartartoq, malittarisassanut atuuttunut naapertuutinngitsoq.

**Suliffeqarfinni piginnaangorsaasitsinermi - sulisinnaassuseq** pillugu paasineqarpoq, utertitassat procentia suliffeqarfimmi piginnaangorsarneq aallartinneqaraangat suliffeqarfimmut isumaqatigiissutigineqartartoq. Siuliani taakkartorneqarluni iliuserineqartartoq, malittarisassanut atuuttunut naapertuutinngitsoq kukkunersiuusut nalilerpaat.

**Suliffeqanngikkallarnermi ikiorsiissutit** pillugit suliani misissorneqartuni arlaqartuni, tunniunneqarsimasut annertuumik kukkuneqarput. Maniitsumi akissarsiat allagartaat suliamut ilanngunneqartarsimannginnerat patsisaalluni, akunnerit atorneqartartut misissorneqarsinnaasimanngillat.

**Erninermusiat pillugit suli**at misissuataarneqarnerini paasineqarpoq, erninissaq sioqqullugu akunnerit suliffiusimasut kukkusumik naatsorsorneqarsimanerisigut kukkusumik erninermusiaqartitsisoqartarsimasoq.

**Pilersuiner**mut tunngatillugu kukkunersiuusut naliliipput, akigitat eqqortut naapertorlugit akiliisitsiniartarnissaq qulakkeersillugu suleriaasiortoqarsimasoq. Taamatuttaaq kissamik tuniniaaneq akigitatut isumaqatigiissutigineqartut malinneqarnerisut kukkunersiorneqarlutik. Ilanguttunut peertullu eqqortumik nalunaarsorneqarnerinik nakkutilliisumik pilersitsisoqarsimanngilaq, soorluttaaq entreprenørimit imaarsisimanerit amerlassusaat b-normullu amerlassusaat, kommunimit akiliisinneqartartut, naapertuunnerinik nakkutilliisoqanngitsoq. Kukkunersiuusut innersuussutigaat, eqqagassalerinermut anartarfilerinermullu ilanngunneqartussat ilumut tamarmik ilanngunneqarsimaneramik akiliisinneqartarnerinillu qulakkeerinninnissamut suleriaatsimik atuutilersitsisoqassasoq.

**Akissarsianut sulisoqarnermullu tunngatillugu** Kukkunersiuusut sulianik misissuinerminni paasivaat, suliata ataasiakkaat aningaasanik tunniussinermut sunnuteqartunik kukkuneqartut. Malittarisassat atuuttut, takuuk isumaqatigiissutit il.il., isiginiarneqarsimannginneri patsisaallutik kukkusoqarsimavoq. Paasineqarporli, inatsisunik eqquutsitsisoqarnermik nakkutilliineq / pitsaassutsimik nakkutilliineq 2014-imi qaammatit pingasukkaarnerisa aappaanili ingerlanneqarsimanngitsoq.

**Naatsorsuutitut ikkussuinerit illullu iluani nakkutilliinerit** pillugit kukkunersiuusut isumaqarput, aningaasaatit tigoriaannaat pillugit suleriaaseq nalinginnaasumik naammagisimaarnartoq.

Taamalu kukkunersiuusut nalilerpaat, ilanngussat suliarineqartarneri nakkutigineqarnerilu nalinginnaasumik karseqarnermut naatsorsuuserinermullu malittarisassat malillugit suliarineqartartut.

Paasineqarporli, aningaasaqarnermut systemimi atsiorsinnaanermut innersuussisinnaanermullu

pisinnaatitsissummi kiisalu aqqissuunneqarnerani ilaatigut naapertuuttoqanngitsoq, soorluttaa sulisoq pisinnaatitaaffingngisaminut kukkusumik naatsorsuutitut allattuisinnaaneranut kommuni matoqqatitsissummik ikkussisimanngitsoq.

Sanaartornermut tunngatillugu kukkunersiuisut nalilerpaat, malittarisassat atuuttut naapertorlugit, kommunimilu malittarisassat naapertorlugit kommunip sanaartornermut naatsorsuutai suliarineqarsimasut.

#### Allaffeqarfiup naliliinera

**Ilaqutariinnermut ataatsimiititaliap** siunnersuutigaa, tulliuttut oqaaseqaatit akineqassasut: Qeqqata Kommuniani Ilaqutariinnermut immikkoortortami aningaasaqarnerup aqunneqarnera sukateriffigineqarpoq, ilaatigut 2015-ip aallartinnerani pisortanut tamanut, suliffeqarfinni pisortanut kiisalu immikkoortortani aqutsisunut aningaasaqarnerup aqunneqarneranik, aqutsinermik kiisalu sulisunik aqutsinermik pikkorissartitsinikkut. Tamatuma saniatigut 2015-imi aggustip aallaqqaataani illoqarfinni marluusuni ilaqutariinnermut pisortanik atorfinitsitsisoqarpoq, tamatumani aningaasaqarnerup aqunneqarnera aallunneqarnerulerluni.

Aqutsisut nakkutilliineritut atatillugu, aningaasaqarneq kiisalu sulianik eqqortumik ingerlatsinissaq pillugu, aqutsinikkut nakkutilliinerup annertusarneqarnissaanik pisortat tamat erseqqissaavigineqarput. Suliat pillugit ataatsimiinnermi, sulianik misissuilluni ingerlatsisoqartarpoq kiisalu sapaatip akunnikkaartumik pisortat ataatsimiinnerminni missingersuut tamat kiisalu immikkoortortani missingersuutit misissuataarneqartarlutik. Taamaaliornikkut pisortat tamat missingersuutiminnik piginnittut misiginnilersinneqarlutik, qaammammut/qaammatit pingasukkaarlugit/ukiumut nalunaarutikkut nikingassutinik il.il. paasissutissiisassallutik kiisalu aqutsisutut nakkutilliinerit ingerlanneqassallutik.

Taamaakkaluartoq erseqqissaatigineqassaaq, Sisimiuni Maniitsumilu Ilaqutariinnermut Immikkoortortat Piginnaangorsaanermut Ilinniagaqarnersiutinullu tunngasunik suliaqarneq ajormata. Taakku namminersortumit Sisimiut Qeqqata Akademi-mit isumagineqarput, aqutsinerminnilu sakkussat suut atortarneraat ilisimaneqanngilaq, Maniitsumilu Piareersarfik Ilaqutariinnermut Immikkoortortap ataaniilluni.

Utoqqarnut immikkoortortaq Utoqqalilluni pensionisianik kiisalu Siusinaartumik pensionisianik ingerlatsisuusq aqutsisut nakkutilliinerimik sukaterinikuupput, ilaatigut qaammammut suliat qulit misissorneqartarlutik, taakkunani tallimat siusinaartumik pensionisiat tallimallu utoqqalilluni pensionisiaallutik. Suliat misissorneqarsimasunut oqaaseqaatilerlugit nalunaarusiarineqartarput, tassani sullissisut aqqiissuteqarnissamik qinnuigineqarlutik imaluunniit nalunaarusiornissaq amigaateqarnersoq.

Meeqqanut akilersuutit pillugit kukkuluttornerit nakkutiginninnissaagaluilu pinngitsoortinneqarnissaat pillugu Sisimiuni allatseqarfik bidragsafdeling-ilu suleriaasiliornikuupput. Taamaakkaluartoq Ilaqutariinnermut immikkoortortami suleriaatsit tamakkiisumik atuutilersinneqarnikuunngillat.

Siusinaartumik pensionit, Utoqqalillunilu pensionit pillugit tunniussinnginnermi, inuttut tapit pingaartumik, aqutsisunit misissuineranut ilaapput. Siusinaartumik pensioninut kiisalu Utoqqalilluni pensioninut qinnuteqaatit ilaqutariinnermut ataatsimiititaliamut nassiunneqannginnerini, tamarmik pitsaassusaannik misissorneqassapput.

**Inuussutissarsiutinut Suliffissaqartitsiniarnermullu ataatsimiititaliap** siunnersuutigaa, oqaaseqaatit tulliuuttut akissuteqarfigineqassasut:

### **Illup iluani nakkutillineq pillugu**

Illup iluani nakkutilliinerit iluamik ingerlasimangillat. Ukiuni marlussunni allaffeqarfimmi sulisut annertuumik taarsaassimapput, ilaatigut illoqarfinni marluusuni ilinniartitaanermut pisortat nutaajullutik 2015-imi januaarip aallaqqaataani kiisalu 2015-imi juunip aallaqqaataani atorfinitsinneqartut. Maniitsumi Sisimiunilu Piareersarfimmi pisortat aamma nutaajullutik 2016-imi atorfinitsinneqarput. Ikaarsaarnerit naammaginatsumik ingerlasimangillat, soorluttaaq skabelon-it pioreersut naapertuutinningsut. Qeqqata Kommuniani Inniartitaanermut immikkoortortaq Piareersarfimmi aqutsisut nakkutilliinissaannut skabelon-inik maannakkut suliaqarpoq, tamatuma siunertaraa piaarnerpaamik aqutsisut nakkutilliinissaat aallartisarneqarnissaa.

### **Suliffissaaleqisunut iliuusissatut pilersaarutit pillugit**

2015-ip ingerlanerani kukkunerisuisut Qeqqata Kommunianut tikeraarnerini, suliffissaaleqisunut iliuusissatut pilersaarusiormi aningaasartuutit kontererneqartarneri tunngavigalugit, suliniutit Sisimiuni kommunimi aallartisarneqarsimangitsutut isikkoqartoq ilumoorpoq. Taamaattoq tamatumani Qeqqata Akademi-p Qeqqata Kommuniatu kiisalu Naalakkersuisut Qeqqata Kommuniatu akunnerminni, sulisunik akissarsiaqartitsineq kiisalu suliniutinut konteriineq pillugu isumaqatigiissimanginnerinik patsiseqarpoq. Taamaakkaluartoq suliffissaaleqisut iliuusissatut pilersaarutaasut iluini suliniutit pilersaarutaasimasut amerlanerit ingerlanneqarsimapput. Maniitsumi tamakkerlugit ingerlanneqarsimapput.

### **Utertitsineq pillugu**

Namminersorlutik Oqartussaniit utertitsinerit pitsaaneruseq atavartumillu ingerlanneqarsinnaagaluartut ilumoorpoq. Naak, kukkunerisuisut tikeraarnerisa nalaani Maniitsumit utertitsineq ataasiaannaraluartoq, 2016-imi januaarimi Namminersorlutik Oqartussat naatsorsuutini matutitsinninnerini, 2015-imut utertitassat tamakkerlugit tiguneqarput. Utertitassat atavartumik tiguneqartarnissaat allaffeqarfimmit siunissami aallunneqarnerulissapput, taamaallilluni kommuni atavartumik aningaasaatinik tigorianaateqarnera pitsaangorsavigineqassalluni.

### **Suliffeqarfinni piginnaangorsartitsineq - sulisinnaassuseq pillugu**

Suliffeqarfinnut akissarsiatigut utertitassat procentit ilaatigut siumoortumik isumaqatigiissuteqartoqartarsimanera ilumoorpoq. Tamanna inaarutaasumik aalajangiinertut paasineqartussaangikkaluarpog, allaffeqarfimmiilli pissutsit tamakku sukateriffigineqassapput, taamaallilluni akissarsiatigut utertinneqartussat procentiisa allannagortinneqanginnerini pisuni tamani sulisinnaassuseqarnermik tigussaasumik naliliisoqartassalluni.

2015-imi Sisimiuni inuit 17-it suliffeqarfinni piginnaangorsarlutik sulipput, ataaserlu suligallarluni suliffimmiilluni. Ataaseq isumaginninnermik patsiseqarluni piginnaangorsartuuvoq, sinnerilu piginnaasat naapertorlugit piginnaangorsartuullutik.

### **Suliffeqangikkallarnermi ikiorsiissutit pillugit**

Ingerlatsineri tullinnguuttut aallaavigineqarsimanerat maluginiarneqassaaq: kap 6 § 14 imm 2, tassani sapaatip akunneranut akunnerit 40-t taamaallaat tunniunneqarsinnaasut allaqqammat. § 14. Suliffeerunnermi ikiorsiissutit nalunaaquttap akunneranut aalajangersimasumik akeqartitsinikkut tunniunneqartarpoq, taakku tassaallutik sulisartut ilinniarsimangitsut pillugit akissarsiat pillugit SIK'p aamma Naalakkersuisut akornanni isumaqatigiissutit malillugit akissarsiat ikinnerpaaffiisa 90 %-ii, tak. imm. 3.

Imm. 2. Suliffeerunnermi ikiorsiissutit naatsorsorneqartarput nalunaaquttap akunneri sulinermik inuussutissarsiuteqartup sapaatit akunnerini kingullerni 13-imi suliffeqarsimanera tunngavigalugu, ullullu 14-ikaartumik kingumut tunniunneqartussaallutik, amerlanerpaamilli sapaatit akunnerannut nalunaaquttap akunneri 40-t.

Suliffeqanngikkallarnermi ikiorsiissutinik ingerlatsinermut atatillugu, Maniitsumi suliffissarsiuussisarfimmit sapaatit akunnerini kingullerni 13-imi akissarsiat allagartaat misissortaraat, taamatullu akunnerit qinnuteqaammut allanneqartartut, taamaattorli akissarsiat allagartaasa assileriarlugit akunnernut uppersarsaatit ilanngunneqarneq ajornerat ilumoorpoq. Kukkunersiuisoqareernerata kingorna tamanna iluarsivigineqarpoq.

Allaffeqarfimmit nalilerneqarpoq, aqutsisut nakkutilliinissaannut malitseqartitsinissamut suliniutit, allaffissornikkut malittarisassanik atuuttunik malinninnissamik qulakkeerinnissassut.

### **Teknikkimut Avatangiisinullu ataatsimiititaliap siunnersuutigaa, oqaaseqaatit tulluuttut akissuteqarfigineqassasut:**

Nakkutilleeriaaserput nutaaq tamat isiginnilersitsivoq, taamaalilluta siusinnerusumut naleqqiullugu eqqagassalerinermik sullinneqarnissamut ilanngunneqarnissamut nalunaarsimasut, sullinneqarunnaarusullutillu nalunaarsimasut aqulluarnerulersinnaallutigit.

Nutaamik nakkutilliisalernikkut kiisalu eqqagassalerinermut anartarfilerinermullu isumaqatigiissutip ersarissineqarneratigit, entreprenørimit akiligassanik ersarluttunik misissuinissamut piffissamik sipaaruteqarfiusinnaavoq.

B-normut imaartittarnissamut nalunaarsimasut amerlassusaannik kiisalu imaartittarnerit kommunimit akilerneqartartut naapertuunneranik misissuinerup naammassineqartup naapertuutsitsinermik kinguneqarpoq. Ukiut tallimat pisoqalisoorinissamut piffissap killinga qaangiutsinnagu, kingumut atuuttussamik ilanngunneqarsimasunut akiliisitsinissamut piunasaqaataasoq ingerlanneqarpoq, taamaalilluni pisariinnerusumik pitsaanerusumillu allaffissornikkut ingerlanneqarsinnaalerluni.

Siunissami inunnik nalunaarsuisarfimmi ilanngunneqartut/ilanngunneqanngitsut kiisalu entreprenørip nalunaarutai qaammatikkaartumik akiliisitsinissamut allattorsimaffik misissorneqartassaaq.

### **Akissarsialerineq pillugu**

Aningaasaqarnermut ataatsimiititaliamut Kommunalbestyrelsimullu allaffeqarfiup siunnersuutigaa, oqaaseqaatit tulluuttut akissuteqarfigineqassasut:

Suliassat allat salliunneqarnerisa kingunerisaanik inatsisinik eqquutsitsisoqarnermik nakkutilliisoqarsimanngitsoq ilumoorpoq. Inatsisinik eqquutsitsisoqarnermik nakkutilliineq 2016-imi ingerlanneqassaaq.

Aningaasanut tunniunneqartartunut sunniuteqarluni kukkuluttorsimaneq tusaatissatut tiguneqarpoq. Kukkunerit iluarsineqassapput.

### **Naatsorsuuserineq ilullu iluani nakkutilliineq pillugit**

Aningaasaqarnermut ataatsimiititaliamut Kommunalbestyrelsimullu allaffeqarfiup siunnersuutigaa, oqaaseqaatit tulluuttut akissuteqarfigineqassasut.

Aningaasaqarnermut systemimi atsiorsinnaanermut innersuussisinnaanermullu pisinnaatitsissummi kiisalu aqqissuunneqarnerani naapertuuttoqanngitsoq ilumoorpoq.

Tamassuma iluarsineqarnissaa siunertaralugu malinnaatitsisoqassaaq. Akiligassat qarasaasiatigut suliarineqartalernerisa kingunerisaanik, karseqarnermut naatsorsuuserinermullu malittarisassat pissutsinut naapertuuttunngorsarneqassapput.

Aningaasaqarnermut ataatsimiititaliap suliamik suliaqarnera

Aningaasaqarnermut ataatsimiititaliap majip 17-ani 2016-imi ataatsimiinermini suliaq suliarivaa innersuussullu akueralugu.

**Innersuussut**

Aningaasaqarnermut ataatsimiititaliamiit Kommunalbestyrelsimut akuerisassanngorlugu innersuussutigineqarpoq,

**Innersuussut**

Kukkunersiuisut nalunaarutaannut akissuteqaatissatut siunnersuutigineqartut akuersissutigineqassasut.

**Aalajangiineq**

**Ilanngussaq**

1. Kukkunersiuisut nalunaarutaat nr. 21

**Imm. 11 Kommunalbestyrelsimut ilaasortap Marius Olsen-ip, "toqusut illerfiisa assartorneqartarnerat" pillugu oqaluuserisassatut siunnersuutaa**

*Journal nr. 41.01.03*

Matumuuna siunnersuutigaara inuttaasut illoqarfiitsik qimallugu nunani allani peqqissartut toqukkut qimagukkaangata illoqarfimminnut oqqunneqartarnerisa ajornartorsiutaasernerujusuisa oqaluuserineqarnissaat.

Nalunngisatsit toqusup illerfia illoqafigisaanukanniartarnera nunatsinni akisuupilorujussuuvoq.

Nunatsinnimi pissutsit D.K- mut nunanullu allanut assersunneqarsinnangilluinarpoq.

Nalunngikkaluarpara peqqinnissaqarfik kommunip ingerlatarinngikkaa inatsisartulli ataanittoq, taamakkuararpoq arajutsisimanngilakka assorujussuaq inunnguit taamatut nalaataqartut saaffissaaleqisartut atukkaminni oqimaareeqisumi ilaatigut artukkerneqartartut.

Taamattumik siunnersuutigaara kommunimi eqqatoriarlugu inunnik isumaginninnermut ataatsimiitsitaliami tunngavilersorluarlugu oqaluuseriarlugu qeqqata kommuniani inatsisartunut ilaasortaatsitagut aqutugalugit inatsisartunut oqaluuserisassannagortinneqassasoq inatsisartut aningaasanut inatsisannut( finanslov) ilanngutassannagorlugu oqaluuserineqassasoq.

inoqatinnguagummi nunatsinnut sunniuteqangaarsimasut illuutatungannaanut billetsilerlugit allartittarsinnaanngilagut aamma isumagisariaqarparput nunatsinni eqqissillutik qasuersarfissaminnut ingerlanneqarnissaat.

Maleruagassat tunngavigisat

Pisortanit ikiorsiissutit pillugit Inatsisartut peqqussutaat nr 15, 20. november 2006-imeersoq § 23. Kommunalbestyrelsi ilisinnermut aningaasartuutitut naleqquttunut matussutissanik pisortanit ikiorsiisinnaavoq, aningaasartuutit pigisanit akilerneqarsinnaasimanngippata toqusullu piumasagaatit § 4-mi imm. 1 naammassisimappagu kiisalu Pisortanit ikiorsiissutit pillugit peqqussummut ilitersuut 2013-imi marsip qaammataaneersoq. imm. 9.4.3.4 Illerfiit assartorneqartarnerat.

Pissutsit atuuttut

Illerfiit assartorneqartarnerat.

Aalajangersagaq (§ 23) naapertorlugu, toqusup toquffianit illoqarfigisaanut illerfiup assartorneqarnissaanut kommunalbestyrelsi ikiorsiisinnaavoq.

Oqaaseqatigiit "Pineqartoq Kalaallit Nunaanni toqusimappat" killiliinerup nassataraa, taamaallaat illerfimmik angerlaallugu angallassineq pisortanit ikiorsiissutigineqarsinnaammat, pineqartoq Kalaallit Nunaanni toqusimappat. Killiliinerup taassuma maani inuttaasoq Kalaallit Nunaata avataani, soorlu Rigshospitalimi katsorsartinnermi nalaani imaluunniit ilinniartuunermi nalaani imaluunniit sulinnigiffeqarluni angalanermi toqusimappat illerfiata angallanneqarnerannut pisortanit ikiorneqarsinnaanermut ilaatinneqanngillat.

Allaffeqarfiup naliliinera

Maleruagassatigut tunngavissat aamma Pissutsit atuuttut takugaanni, taaamatut pisoqartillugu Kalaallit Nunaannilu innuttaasoq Kalaallit Nunaata avataani toqukkut qimaguppat illerfiup

assartorneqarnissaanut pisortat ikiorsiinissaminnut periarfissaqanngillat.

**Innersuussut**

Innersuussutigineqarpoq, akissutigineqartut kommunalbestyrelsip tusaatissatut tigussagaa.

**Aajangiineq**

**Ilanngussaq**

1. Kommunalbestyrelsip 2016-imi apriliip 28-ani ataatsimiinnissaanut oqaluuserisassatut siunnersuut. Kommunalbestyrelsimut ilaasortamit Marius Olsen-imit.



**Imm. 12 Kommunalbestyrelsimut ilaasortap Marius Olsen-ip, "Suliffissaaleqisunut Ikiorsiissutit" pillugit oqaluuserisassatut siunnersuutaa**

Journal nr. 67.02

Tunuliaqutaq

Marius Olsenip (Siumut) ulloq 1. maj 2016 kommunalbestyrelsemi 26. maj 2016 ataatsimiinnissaanut oqaluuserisassatut siunnersuummik nassitsivoq. "Pingaartumik aalisakkani suliffissuarni sulisussanik amigaateqarneq pillugu tunisinermi killilersuineq, unitsitisarnerlu tusarsaalereerpoq aamma Qeqqata Kommuniani ilumut tamanna isignaaginnartuassavarpoot. Tusartarpagut sulileraluartut suliunnaartut naqittikkiartuinnartarlunigooq imminut akilersinnaanerummat, tamanna akuersaaginnassavarpoot?"

Marius Olsen kissaatigaa:

- Suliffissaaleqisut suliffissanik neqeruufitikkaluartut sulumannngitsut qanoq pineqarsinnaaneriniq nassuiaasoqassasoq kiisalu
- Qanoq atsigisumik suliffissaaleqisut kommunimiit pisarnersut aammalu sukkut allakut akiliunneqartarnersut sorlu inallagissanut allanullu akiligassatigut

Maleruagassatigut tunngavissat

- Suliffeerunnermi ikiorsiissutit pillugit inatsisartut inatsisaat nr. 2 15. maj 2014-imeersoq.
- Suliffeqarnermut, suliffissarsiortut ilinniagaqalerniartullu sulilersinneqartarnissaannut kiisalu Kalaallit Nunaannut suliartortartunut tunngasunik kommunalbestyrelsit paasisutissanik nalunaaruteqartarnissaat pillugu Namminersornerullutik Oqartussat nalunaarutaat nr. 20 19. novembari 2007-imeersoq.
- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq.
- Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq.

Pissutsit atuuttut

Maniitsumi piffissami 25. april 2016-miit 11. maj 2016 tungaanut suliffissaaleqisut Maniitsumi 172-it nalunaarsorneqarsimapput Sisimiunilu 123-it. Suliffissaaleqisut taakkua qanoq sullinneqarsimanersut ataani takuneqarsinnaapput. Nassuiaatitai ataani atuarneqarsinnaapput.

	Art 91 3	Sulilertita t R.G	Silisut allami	Match- gruppe 2 aamma 3	Suliuma n-ngitsut	Pisinnaan -ngitsut	R.G Piumanngis ai	Attavigiu - minaatsu t	Nutaa t	katll .
Katill .	67	26	13	21	11	13	5	13	3	172

**Sisimiut**

	Art 913	Sulilertita t R.G	Silisu t allam i	Match - gruppe 2 aamm a 3	Suliuman -ngitsut	Pisinnaan -ngitsut	R.G Piumanngis ai	Attavigiu - minaatsu t	Nutaa t	katll .
Kati 1	36	22	5	0	5	2	0	50	3	123

Sisimiuni Royal Greenlandimi sulisut sivisuumik ataavartuusimapput. Sulisussaaleqineq majip aallartinnerani malunniutilerualarpoq aalisagarpasuit, assagiarsuit, nipisat suaat, raajat usingiaanerlu ataatsikkut pimmeta, Qeqqata Akademimi internetimik attaveerunnerup naleqqissaavani.

Aprilip qaammataani Sisimiuni suliffissaaleqisutut nalunaarsorneqarsimapput 294-it. 18. Maj nalunaarsorneqarsimapput 87-it suliffissaaleqisutut, kisitsillu appariartussangatinneqarpoq matchgruppilersuineq ingerlanneqarlualeripat.

*Art 913:* Royal Greenland suliunnaarallartitai aalisakkanik suliassanik amigaateqarneq peqputigalugu amerlassuseqarput Maniitsumi 67-it, Sisimiunilu 36-it. Pisortat suliffissaaleqinermi ikiorsiissutaanik tunineqarput.

*Sulilertitat R.G-mi maanggaanniit suliffissarsiuussisarfimmiit:* Taakkua naqitsisartuupput suliffissarsiortutut aammalu nammineerlutik R.G-mut suliffissarsiorsimapput sulilersimallutillu ilaallu maanggaanniit suliartoqquneqarlutik sulilersimallutik. Maniitsumi 26-iupput, Sisimiunilu 22-it.

*Sulisut allami:* Taakkua suliffissarsiortut allami sulilersinnikuusagut, aammalu namminneq suliffissarsisimasut. Maniitsumi 13-niupput, Sisimiunilu 5-iullutik.

*Matchgruppe 2 aamma 3:* Tassaniittut sulisinnaangitsut tassaapput peqqissutsimikkut ajoqutillit, soorlu Match gruppe 2 aamma 3 iluaniittut “Suliartoqqusinnaangisagut”. Tassani assigiinngitsunik nappaateqarput anniaateqarlutillu. Soorlu amerluttut, qitiluttut, epilepsi-tut inuppassuit akornaniissinnaangitsut, niuluttut nikorfangaarsinnaangitsut, taliluttut nukkiorsinnaangitsut, siulluttut, aalisakkanik sapigallit, naartusut, anniaatiminnik nakorsiaqqaarniartut.

Qaammatini makkunani Inuussutissarsiornermut Suliffeqarnermullu Naalakkersuisoqarfimmi suliaq annertoq ingerlanneqarpoq, inatsit nutaaq 1. Januar 2016 atuutilersoq piviusunngortinniarlugu. Tassani nuna tamakkerlugu Piareersarfiit nutaamik aqqissorneqarnissaat ulapputigineqarpoq, sulisut piginnaasaannik qaffassaaneq, suleriaatsinillu ineriartortitsineq, suliffissarsiuussisarfillu ilaqutariinnermut immikkoortortat meeqqat atuariisalu akornanni suleqatigiinnerulernissaat anguniarneqarluni. Suliat ulapputigineqartut ilagaat matchgruppilersuineramik sakkussanik

ilinniartitsineq, matchgruppe 2 aamma 3-lu qanoq sullinneqartarnissaanik ilinniartitsineq Maniitsumi ingerlanneqalereersoq, Sisimiuni maannakkut aallarnisarneqalersoq. Suliaq tamanna ilaqutariinni immikkoortortaarfiiit suleqatigalugit ingerlanneqassaaq.

*Suliumannigitsut:* Napparsimasut, nuattut, nujaqqanngitsoq/meqqoqqanngitsoq pinnerasaqqanani suleqqusaagami nammineq oqarpoq pinnerasaqqanani anisinnaasarnani, royal greenland-imi sulerusunngitsut tunisassiorfinnilu allani. Taakanngaanniit imminut soraarsinnikut sulisitsisut iluarinagit. peqqutissarsiornerillu allat R.G-mi sulerusunnginnermi.

*Pisinnaanngitsut:* Pisinnaanngitutum taavagut peqquteqarlutik taakunga innersuunneqarsinnaanngitsut, aammalu peqqikkaluarlutik innersuunneqarsinnaanngitsut, taakkua meerallit kisimiittuupput unnukkut sulisinnaanngitsut, aammalu meerallit aapparisaq unnukkut sulisarmat unnukkut sulisinnaanngitsut immaqaluunniit aapparisaq kilisaatorsorluni angalasuimmat. Aammalu naartusut oqimaatsulerisinnaanngitsut. Ullaakkoortarsinnaagaluarlutik unnukkut suliarloqquneqarsinnaanngitsut.

*Royal Greenland-ip piumanngisai:* Royal Greenland nammineerluni nalunaarutiginiuusai taakunga innersuunneqaaqqissanngitsut, taakkualu assigiinngitsunik peqquteqarput soorlu: soraarsitaanikut chikaneri arnanut suleqatiminnut eqqunngitsuliorneq peqqutigalugu, suleqatigiumaneqanngitsut pissusilersuutigineqartut suleqataasunut akornutaammata, tillittarneq peqqutigalugu, imminullu soraarsinnikut taakanngaanniit, piunalleraangamillu takkuttartut aammalu ingerlasartut, piffissamik eqquineq ajortut.

*Attavigisinnaanngisagut:* Taakkua mobiileqqanngitsuupput imal telefon-eqqanngitsut aammalu aaliangersimasumik ineqqanngitsut/inisimasut. Pissarsiariniarlugit iluatsikkuminaatsut.

*Nutaat:* Nutaat allattorsimasuutigilernikuusagut suli sianerfiginngisat aallarteqqammersut naqitsisalerlutik.

**Suliffissanik neqeroorfitikkaluartut suliumannigitsut qanoq pineqarsinnaappat**

Sisimiuni Maniitsumilu suliffissarsiuussisarfinni suliffissaaleqisoq neqeroorfigitinnikuulluni suliffimmik tigusiumannigitsut sapaatit akunnerini sisamani mattunneqartarput. Aningaasatigullu isumaqartarpoq tamanna pisortaniit ikiorsiissutit sapaatit akunnerit sisamat pisinnaajunnaarneranik.

**Qanoq atsigisumik suliffissaaleqisut kommunimiit pisarpat**

Pisortaniit ikiorsiissutit annertussusaannut apeqqutaavoq kisimiittuuneq, aappaqarneq kiisalu nammineq ineqarneq, imaluunniit najugaqateqarneq.

<b>Nammineq inigisallit/lejlighed</b>			
	Qaammammut	Ullut 14-nikkaarlugit	Sap. akunneranut
Kisimiittoq	Kr. 1.680	Kr. 776	Kr. 388
Aappariit	Kr. 2.836	Kr. 1.310	Kr. 665

<b>Najugaqateqaraanni</b>			
	Qaammammut	Ullut 14-nikkaarlugit	Sap. akunneranut
Kisimiittoq	Kr. 1.420	Kr. 656	Kr. 328
Aappariit	Kr. 2.836	Kr. 1.310	Kr. 655

<b>Meeqqanut tapeq</b>		
Qaammammut	Ullut 14-nikkaarlugit	Sap. akunneranut
Kr. 1.000	Kr. 462	Kr. 231

Taakku saniatigut suliffissaaleqisut akiliutittarput illumut akiligassamut, innaallagissamut imermullu, eqqaaveqarnermut meeqquerivimmilu akiliutissanut.

### **Innersuussut**

Innersuussutigineqarpoq kommunalbestyrelsis paasissutissat tusaatissatut tigussagaat.

### **Aalajangiineq**

### **Ilanngussaq**

1. Marius Olsenip allagaa ulloqartoq 1 Maj 2016

**Imm. 13 Klaus Berthelsenip kommunalbestyrelsimut ilaasortaanerminik tunuarnissaminik qinnuteqaataa**

*Journal nr. 01.01.03*

Tunuliaqutaq

Klaus Berthelsen, 2015-imi januaarip aallaqqaataaniilli sulinngiffeqartoq, 2016-imi apriliip 28-ani maileruteqarluni kommunalbestyrelsimut ilaasortaajunnaarnissaminik qinnuteqarpoq.

Maleruagassatigut tunngavissat.

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 7, 3. december 2012-imeersumi § 54-imi, (qinersinermi inatsimmi) allassimavoq:

*Imm. 1. Ilaasorta qinigaaffiup iluani kommunalbestyrelsimut tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq.*

*Imm. 2. Qinnuteqaat peqqissutsimut tunngasunik, sulianik assigisaannilluunniit pingaaruteqartunik qinnuteqartup ilaasortaanissaanut ajornartorsiutaasussamik pissuteqarpat, qinnuteqaat nalinginnaasumik akuerineqassaaq.*

Kiisalu § 52, imm. 1-imi allassimavoq ”..kommunalbestyrelsiusimasoq aprilip 30-iani tunuassaaq.”

Pissutsit atuuttut

Matumani qinigaaffimmi 2013-imiit 2017 tikillugu (maajip aallaqqaataanit apriliip 30-ata tungaanut), Klaus Berthelsenip illoqarfimmut allamut nuukkallarnera pillugu 2015-imi januaarip aallaqqaataanit sulinngiffeqarnissaa kommunalbestyrelsip akuersissutigini kuuaa. Maanna Klaus Berthelseni inuttut atukkani pillugit kommunalbestyrelsimut ilaasortaajunnaarnissaminik qinnuteqarpoq.

Qinersinermi inatsisip § 54-a naapertorlugu, tunuarnissamik qinnuteqaat akuersissutigineqarsinnaanersoq kommunalbestyrelsip aalajangissavaa.

2015-imi januaarip aallaqqaataani Klaus Berthelsen sulinngiffeqalerma, Siumut sinnerlugu sinniisussaq siulleq, Alfred Olsen kommunalbestyrelsimi ilaasortanngorpoq.

Kommunalbestyrelsimut ilaasortaajunnaarnissaminik qinnuteqaat akuersissutigineqassappat, Alfred Olsen qinigaaffiup 2017-imi apriliip 30-ata naanissaata tungaanut kommunalbestyrelsimut ilaasortaaginnartussaammat, kommunalbestyrelsip inissititernera allannngornavianngilaq.

Atuilluuntuunissakkut kingunerisinnaasai

Kinguneqaatissaqanngilaq.

Aningaasaqarnikkut allaffissornikkullu kingunerisinnaasai

Kinguneqaatissaqanngilaq.

Allaffeqarfiup naliliinera

Allaffeqarfiup nalilerpaa, kommunalbestyrelsimut ilaasortaajunnaarnissamik qinnuteqaat, qinersinermi inatsisip § 54-a naapertorlugu akuersissutigineqartariaqarnersoq.

### **Innersuussut**

Kommunalbestyrelsimit akuereqqullugu allaffeqarfiup innersuussutigaa:

1. 2013-imit 2017 tikillugu qinigaaffiup sinnerani Kommunalbestyrelsimut ilaasortaajunnaarluni, Klaus Berthelsen 2016-imi apriliip 28-ani kommunalbestyrelsimut ilaasortatut tunuassasoq
2. Qinigaaffiup sinnerani, imaappoq 2017-imi apriliip 30-ata tungaanut, Alfred Olsen kommunalbestyrelsimi ilaasortaassasoq.

### **Aalajangiineq**

### **Ilanngussaq**

1. Klaus Berthelsenip 2016-imi apriliip 28-ani mailerutaa.

**Imm. 14 Imigassanik aalakoornartortalinnik nioqquteqartarneq sassaallertarnerlu pillugit Inatsisartut Inatsisissaattut nr. XX-issatut, ulloq XX.XX.20XX-imeersussatut siunnersuummut (imigassamut inatsit) tusarniut**

*Journalnr. 70.06.00*

Tunuliaqutaq

Imigassanut inatsisissamut nutaamut kommunit siunnersuummut oqaaseqaateqaqqullugit tusarniaaffigineqarput. Oqaaseqaatit Namminersorlutik Oqartussanut kingusinnerpaamik **2. juni 2016, kl. 16:00** nassiunneqassapput.

Naalackersuisut peqqinnissamut politikki Inuuneritta II akuersissutigereerpaat. Inuuneritta II-p qitiutippai uagut inooriaatsitta kingunerisartagai aamma inooriaatsitsinni pissutsit kalaallit innuttaasut peqqinnissaannut pissutaanerpaajusut.

Peqqinnissamut politikkiminni Naalackersuisut kissaatigaat Nunarsuaq tamakkerlugu Peqqinnissamik Suliniaqatigiiffiup (WHO-p) inassuteqaataasa aammattaq ersersinneqarnissaat. WHO-p nunarsuaq tamakkerlugu pilersaarutaani 2008-meersumi imigassaq aalakoornartortalik imigassamullu aalakoornartortalimmu attuumassuteqartut ajornartorsiutit pitsaaliorneqarnissaat qitiutinneqarput. Imigassaq aalakoornartortalik toqjaartarnermut innarluuteqalersarnermullu patsisaanerpaajusut pingajuattut taaneqartarpoq.

Tusarniaaneq siulleq pivoq maajip aallaqqaataani 2015.

Maleruagassatigut tunngavissaq

Uunga siunnersuut: Imigassanik aalakoornartortalinnik sassaalliuteqarsinnaanermut nioqquteqarsinnaanerlu (imigassanut inatsit) pillugit Inatsisartut inatsiaat nr. XX af 20XX-XX-XX-meersoq.  
(ilanngussaq 1)

Pissutsit atuuttut

Ataatsimut isigalugu siunnersuutip imarisaa:

Imigassamik aalakoornartortalinnik sassaalliuteqarsinnaanermut nioqquteqarsinnaanermullu akuersissuteqartartut kommunini ataasiakkaani pilersitsisoqassaaq. Imigassamik sassaalliuteqarsinnaanermut nioqquteqarsinnaanermullu akuersissuteqartartut kommunalbestyrelsip maannakkuugallartoq akuersisartuunerat taarsissavaat imigassanillu aalakoornartortalinnik sassaalliuteqarsinnaanermut nioqquteqarsinnaanermullu akuersissuteqartarnerit allaffissornikkut aqussallugu.

Imigassat aalakoornartortalit killingat 2,25-mit 0,00 volumenprocentimut allanngortinneqarput. Imigassat aalakoornartortalit immikkoortunut pingasunut agguataarneqassapput, tamarmik imigassamik aalakoornartortalimmik nioqquteqarsinnaanermut sassaalliuteqartarsinnaanermullu kinguneqartartunut.

Siunnersuutip imigassamik aalakoornartulinnik nioqquteqartarneq sassaallertarneq pillugit ammasarfii, imigassamillu aalakoornartortalimmik atuinerup appartinnissaanut aalajangersakkat

pillugit allannguutissaannik siunertalimmik imaqarpoq.

Ilaatigut niuertarfinni saqqumisumiitsinneqartarnerannut malittarisassanut piunasaqaatit sukannerninngortinneqarput, piunasaqaatigineqassaaq imigassamik aalakoornartortalinnik nioqquteqarsinnaanermut sassaallersinnaanermullu akuersissuteqartartut aamma pisortat suliffeqarfiutaat imigassamut politikkimik suliaqarnissaat, imigassanik aalakoornartortalinnik Diner Transportablemut atatillugu nioqquteqarsinnaanermik killeqartitsinerunissaq ilanngunneqarpoq, aamma siunnersuutigineqarpoq avammut nittarsaassinerit suulluunniit inoqatinut attaveqaatini tamani, aviisini ullormut saqqummersartuni, aviisini neqerooruteqartarfiusuni assigisaannilu inerteqqutaanissaat.

Maaji 2015-mi tusarniaanermi partiiniit oqaaseqaatit:

### **Siunmut**

Siullermik qujalluta naalakkersuisuusimasut massakkullu naalakkersuisut suliniuteqarsimmamata imigassartortarnerup appartinniarneqarnissaanut suliniuteqarnerat, taassumalu massakkumut takutimmagu imigassartortarneq appariartortoq, neriullutalu uani siunnersuutit aamma iluaqutaajumaartut, naak ilaatigut ammasarfinnik sivitsuinermik siunnersuisoqaraluartoq.

Tuniniaasinnaanermut akuersissummik tunniussisartut siunnersuummi siunnersuutaavoq immikkut ataatsimiisitaliammik sanasoqassasoq, qeqqata kommunianiilli isumaqarpugut taanna suliaq kommunimmiginnarsinnaasoq,

Ammasarnermut tunngatillugu siunnersuummut akuersivugut ulluinnarni 2 tiiminik arfininngornermilu 3 tiiminik ilanissaat,

Sakkortussutsimut tunngasut agguariaaseq massakkumut atuuttoq immikkoortut marluk tassalu kimikitsut aammalu kimittuut ingerlaannarnissaa siunniuteqqavarput.

Naggataatigullu ussasaarinermut tungasortaat, isumaqatigaarput imigassat ussasaarutigineqarsinnaanerat killeqassasoq imaluunniit ussasaarisoqartassanngitsoq.

Taakkua oqaasertaliullugit naalakkersuisut tusarniaaneranut killilerneqarsimasumut 8 juni-mut ingerlateqqinnissaa innersuussutigaarput

### **Atassut:**

Imm. 18-imut tunngatillugu atassut-miit siunnersuuteqanngilagut, taamaattorli oqaatigivarput, inatsimmi imigassamik nioqquteqarsinnaanermi inuusuttuaqqat 18-it inorlugit ukiulinnut inerteqqutaanera ersarissarneqarsimammat aammalu ammasarfittut siunnersuutigineqartut akuersaaratsigit.

### **IA:**

Nuannaarutigaarput Naalakkersuisut innersuussimmata WHO innersuusutai malinneqassasut. WHO -mi nunani 53-ni misissuereerluni innersuusimmat 1) ammasarfiit sukangasuussasut 2) akit qaffasissasut 3) takoqqusaarutaassangitsut.

Taammaamat Inuit Ataqatigiit ammasarfiit sivitsuiffiineqarnissaat innersuussutiginnigilaat. WHO-llu innersuusutaat malinneqarnissaannik kaamattuilluta.



Atuillartuunissakkut kingunerisinnaasai

Ungasinnerusoq isigalugu inuiaqatigiit peqqissusaannut pitsaasumik sunniuteqartussamik imigassanik atunerup tamakkiisup annikilleriarnissaa naatsorsuutigineqarpoq. Taamaattumik Qeqqata Kommuniata innuttaasunik inuiaqataanermikkut akisussaassusilinnik ineriartortitsinissamik pilersaarutaanut inatsisissatut siunnersuut nutaaq tulluarpoq.

Aningaasaqarnikkut allaffissornikkullu kingunerisinnaasai

Naatsorsuutigineqarpoq akuersissuteqartarnermut aalajangiisartut sulinerat maannakkut killiliussaasut iluanniiginnarnissaa, tassa kommunalbestyrelsip imigassanik aalakoornartortalinnik nioqquteqartarnermut sassaalliteqartarnermullu akuersissuteqartarnermut suliasat suliarinnittarneranni.

Naatsorsuutigineqarpoq aalajangersakkat nutaat pisiniarfinnut aningaasartuutissanik kinguneqarumaartut, tassa imigassanik aalakoornartortalinnik nioqqutissanit allanit assiaqusersuinissaminnut.

Tamakkununga ilutigitillugu naatsorsuutigineqarpoq akuersissutinik pigisaqartunut allaffissornikkut pisariillisaasoqassasoq, tassami akuersissuteqartarnermut aalajangiisartut nutaatut akuersissut atajuartussatut sivitsorsinnaalissammassuk akuersissummik pigisaqartumut tunngatillugu, taanna suliffeqarfiutiminik isornartoqanngitsumik ingerlatsippat.

**Innersuussut**

Kommunalbestyrelsimut innersuussutigineqarpoq:

- Inatsisissatut siunnersuummi immikkoortut pingaarnerit eqqartorneqassasut
- Tusarniummut akissuteqaatissatut innersuusiortoqassasoq

**Aalajangiineq**

**Ilanngussaq**

1. Uunga siunnersuut: Imigassanik aalakoornartortalinnik sassaalliteqarsinnaanermut nioqquteqarsinnaanerlu (imigassanut inatsit) pillugit Inatsisartut inatsiaat nr. XX af 20XX-XX-XX-meersoq.
2. Inatsisissatut siunnersuumut oqaaseqaatit
3. Tusarniaanermi allakkat
4. tuniniaasinnaanermut immersugassaq aamma sassaallersinnaanermut immersugassaq

## **Imm. 15 Immikkoortumi A22-mi aqquuserngit aqqi**

*Journalnr. 23.00.01*

### Tunuliaqutaq

Kommunip pilersaarusiorfigineqarnerani A22-mi Emiliap Aqquutaata ingerlaqqiffiani najugaqarfissiami nutaami aqquuserngit taaguusersorneqartussaapput.

### Maleruagassatigut tunngavissat.

Cirkulære om ajourføring og drift af CPR's vej- og boligregister nr 130 af 25 november 2002.

### Pissutsit atuuttut

Aqqusinernut nunap assingani ilanngunneqartumi ilanngussaq 1-imi takuneqarsinaasutut, aqqusinermi nutaami taaguusersuinissaq amigaataavoq.

Immikkoortup ilaa maanna sanaartorfissagissareernikuuvoq, immikkoortumilu illunuk siullernik saanartorneq aallarereerpoq, 2016-imilu juulimi iserterfigineqarnissaminnut piariissallutik. Teknikkimut Avatangiisinullu imikkoortortaq Sivdlek aqquutigalugu Sisimiuni innuttaasunik siunnersuusiortitsinikuvoq, siunnersuutinillu marlunnik pissarsinikuulluni.

Bebiane Olsen-ip siunnersuutigaa: aqqusineq tatsimut qanittumi inissisimanera tunngavigalugu aqqusineq nr. 3 "Tasiaqqap Aqquataa"-nik taaguuserneqassasoq, imaluunniit "Nanuaqqap Aqquataa"-nik taaguuserneqassasoq, piginneqatigiilluni inissiaatileqatigiiffik Nanoq immikkoortumi inissiaateqartussaana tunngavigalugu. Bebiane Olsen-ip aamma siunnersuutigaa, aqqusineq nr. 7 Alfred Olsen-imut taaguusiunneqassasoq, taanna aqqusinermik qaartitseqqaarnermut peqataanikkuummat imaluunniit " Qaqqarsuup Aqquataa", aqqusineq qaqqamut qaninnera pissutigalugu.

Rasmus Enoksen Holt-ip borgmesteriusimasoq toqukkut qimagunnikuusoq David Jensen aqqusineq nr. 7-imut taaguusiunneqassasoq siunnersuutigaa.

### Aningaasaqarnikkut allaffissornikkullu kingunerisinnaasai

Soqanngilaq

### Qullersaqarfiup oqaaseqaatai

Annertunerusumik oqaaseqaatissaqanngilaq

### Allaffeqarfiup naliliinera

Siunnersuutit ikippallaarneri pissutigalugu TAI sammisamik nassaarnikuuvoq, taanna aqqusinernut nutaanut atatillugu atorneqarsinnaavoq. Emil Rosing-ip qimussit pillugit atuakkiaani qimussit taaguusersuutaannik nassuiaatitalinnik titartagaqarpoq, takuuk ilanngussaq 2.

Sisimiuni aqquuserngit amerlanerit inuit malillugit taaguusersorneqarnikuupput, aqqit arlallit aqquuserngit sumut tunnganerannik nassuiaassipput, aqqillu ikittunnguit taamaallaat naasut aqqi malillugit taaguusersorneqarnikuullutik, takuuk ilanngussaq 3.

Qeqqata Kommuniata atuilluartuunikkut anguniagaa, kinguaariinnut tullinnguuttunut inuiaqatigiit pitsaanerussasut, assersuutigineqarsinnaavoq kalaallit kulturiannut paasinnittaasiup pitsaanerunissaa.

Kulturitsinnit qimusseq taassumalu immikkuualuttuisa taaguusiunneqarneratigut TAI-p nalilerpaa,

kinguaassatsinnut ilisimasassanik ingerlatitseqqiinissamut peqataasoqassasoq.

Kalaallit sakkorisimasaannik aqqusinernik taaguusiinermut assersuutaasinnaapput Nuummi Qinnorpumi: Tuukkaq, Unaaq, Qarsoq, Pisisseq, Norsat aamma Igimaq.

TAI-p aqquserngit taaguutissaattut tullinnguuttut siunnersuutigai:

Aqqusineq 1: Napariaq

Aqqusineq 2: Napu

Aqqusineq 3: Uerneq

Aqqusineq 4: Kimmik

Aqqusineq 5: Alaaq

Aqqusineq 6: Qinngoq

Aqqusineq 7: Emiliap Aqq.

Kommunip pilersaarusiordfigineqarnerani tapiliussami 15-imi aqqusineq nr. 7 Emiliap Aqqutaatut taaneqarpoq, aammalu paatsiveeruttoqannginnissaa piniarlugu TAI-p siunnersuutigaa Emiliap Aqqutaa attatiinneqassasoq.

### **Allaffeqarfiup innersuussutaa**

TAI-p Teknikkimut Avatangiisinullu ataatsimiititaliamut kiisalu kommunalbestyrelsimut innersuussutigaa:

- Aqquserngit taaguutaat qulaani taaneqartut immikkoortumi A22-mi atorneqassasut.

### Teknikkimut avatangiisinullu ataatsimiititaliap suliamik suliarinninnera

Ataatsimiititaliap majip 10-ani 2016 ataatsimiinnermini innerssussutigineqartoq akuersissutigivaa.

### **Innersuussut**

Kommunalbestyrelsimut akuerisassanngorlugu innersuussutigineqarpoq:

- Aqquserngit taaguutaat qulaani taaneqartut immikkoortumi A22-mi atorneqassasut.

### **Aalajangiineq**

#### **Ilanngussaq**

1. Aqquserngit pillugit nunap assinga
2. Emil Rosing Qimusseq pillugu atuakkiaanit tigulaagaq
3. 2014-imi maajip 20-ani Sisimiuni aqquserngit taaguutaat

**Imm 16 Qamutit motorillit nunaannarmi angallassissutiginnisaat pillugit ileqqoreqqusap nutarterneqarnera**

*Journalnr. 00.49*

Tunuliaqutaq

Qamutit motorillit nunaannarmi angallassissutiginnisaat pillugit ileqqoreqqusap kommunalbestyrelsip 2014-imi apriliip 29-ani akuersissutigaa. Qamutit motorillit nunaannarmi angallassissutiginnisaat pillugit ileqqoreqqusap Namminersorlutik Oqartussanit suli atuutsilersinneqanngilaq, taamaattumillu Qamutit motorillit nunaannarmi angallassissutiginnisaat pillugit ileqqoreqqusassatut akuersissutigineqarsimasoq naapertorlugu borgmesteri immikkut akuersissuteqarnikuulluni.

Qeqqata Kommunalbestyrelsia 2016-imut missingersuutinik, ukiunullu missiliuuteqarfiusunut 2017-imit 2019 tikillugu missiliuuteqarfiusunut akuersissuteqarnermigut, ATV-nut aqutissat marluk sanaartorneqassasut, Kangerlussuarmilu nutaamik umiarsualivissamat aqquinniortoqassasoq aalajangernikuuaa. Tamatuma saniatigut Kangerlussuup kujataatungaani ukiuunerani motorilinnut aqut piniarnermut eqquinikuuvoq, taamaattumillu massakkut piniariartarfiusimasoq C2 eqqissisimatinnegartussanngortinneqarnikuuvoq, tassanilu angallannermi pissutsit iluarsivigineqartariaqalerlutik.

Teknikkimut Avatangiisinullu ataatsimiititaliap 2016-imi marsip 8-ni ataatsimiinnermini, immikkoortoq taanna 2016-imi maajip qulingani ataatsimiinnissaminut kinguartippaa. Teknikkimut Avatangiisinullu ataatsimiititaliap ataatsimiinnermini nalunaarutigaa, Kangerlussuup kujataatungaani ukiuunerani aqut tamanut ammaanqarnissaa kissaatiginanngitsoq. Immikkoortup kingullermik eqqartorneqarneranit allannguutit aappalaartumik qalipaaseqqapput.

Maleruagassatigut tunngavissat

Avatangiisit innarlitsaaliorneqarnissaanik Inatsisartut inatsisaat nr. 9, 22. november 2011-meersoq. Assartuutit motorinik ingerlatillit atornerarneri pillugit Namminersorlutik Oqartussat nalunaarutaat nr. 10, 10. oktober 2013-imeersoq.

Avatangiisinut inatsit – Avatangiisit illersorneqarnissaat pillugu inatsisitigut aalajangerneqarpoq, ileqqorisassaliortoqarsimatinnagu illoqarfiit nunaqarfiillu killeqarfiisa avataani angallatit motorillit atornerartassanngitsut.

Qamutit motorillit nunaannarmi angallassissutiginnisaat pillugit ileqqoreqqusap, illoqarfiit nunaqarfiillu killeqarfiisa avataaniinnaq, imaappoq nunaannarmi taamaallaat atuuppoq.

Pissutsit atuuttut

Qamutit motorillit nunaannarmi angallassissutiginnisaat pillugit nalunaarut 1999-imeersoq naapertorlugu Sisimiut aamma Maniitsup Kommuniini Qamutit motorillit nunaannarmi angallassissutiginnisaat pillugit ileqqoreqqusap kiisalu Kangerlussuup aqutsivigineqarnissaanik pilersaarut 2010-meersoq aallaavigalugit Qamutit motorillit nunaannarmi angallassissutiginnisaat pillugit ileqqoreqqusap atuuttoq suliarineqarpoq.

Tamatuma saniatigut qamuteralaat amerliartorneri ilutigalugu, soorluttaaq aqutissiani aqqusinernilu ATV-t angallassinnaaqullugit, Sisimiut Kangerlussuullu eqqaanni qamutilinnik angallanneq annertusineqarluni.

Qamutit motorillit nunaannarmi angallassissutiginnissaat pillugit ileqqoreqqusamik kommunalbestyrelsip akuersissuteqarneratigut allaffeqarfik Namminersorlutik Oqartussanik oqaloqateqarnikuuvoq, taamaakkaluortoq Namminersorlutik Oqartussat ileqqoreqqusamik suli atuutsitsilinnigillat. Qamutit motorillit nunaannarmi angallassissutiginnissaat pillugit ileqqoreqqusap akuersissuteqarfigineqarnissaa naatsorsuutigisamit sivisuneruvoq, taamaattumillu allannguutit piaartumik nassiunneqartariaqarlutik.

Kangerlussuup aqutsivigineqarnissaanik pilersaarut 2010-meersaq naapertorlugu Kangerlussuup kujataatungaani piniariartarfinni (C2-mi aamma C3-mi) piniagassanik ungoorisoqarsinnaanissaa anguniarneqarnikuuvoq. Tamatuma kingunerisaanik ukiuunerani piniarnerup nalaani qamuteralaat ATV-llu angallattut amerliartorput, soorluttaaq piniartut amerliartortut, tamannalu pillugu piniarfigissallugu tikikkuminartumi C2-mi umimmaqannginnera pillugu piniarneq unitsinneqarsimalluni.

C2-mi piniartoqarsinnaajunnaaraluartoq, Qamutit motorillit nunaannarmi angallassissutiginnissaat pillugit kommunip ileqqoreqqusaatigut inuutissarsiutigalugu piniartut tamarmik C2-mi qamuteralannik ATV-nillu ingerlaarsinnaatitaapput. Taamaattumik erseqqissaatigineqartariaqarpoq, Kalaallit Nunaanni Namminersorlutik Oqartussanit piumasaqaataasut naapertorlugit, Kangerlussuup kujataatungaani piffissani kiisalu sumiiffinni aalajangersimasuni inuutissarsiutigalugu piniartut tammajuitsussarsititsiniarlutillu piniartitsisartut angallaffigisinnaasaanni taamaallaat, qamuteralannik ATV-nillu ukiuunerani angalasoqarsinnaasoq. Tamanna Pinngortitaleriffimmit aamma innersuussutigineqarpoq.

Angmarlortoq qoorua aqqusaarlugu Qinguata kuussuatigut Umiiviitigullu kiisalu Tasersuarmi Tatsiap Ataaticigut ukiuunerani assartuussivimmik pilersitsisoqarnissaa aamma eqqarsaatigineqartariaqarpoq.

Kangerlussuarmi nutaamik umiarsualivittaarnissaq pillugu Qeqqata Kommunian ukiuni arlaqartuni suliniuteqarsimavoq, suliarlu tamanna maanna Namminersorlutik Oqartussat Umiarsualiveqarnermut immikkoortumut pilersaarutaanut ilanngunneqarluni. Kangerlussuarmi umiarsualivik umiaasaaqqanik ikaartiterivimmit pioreersumit 10 km.-inik ungasitsigisumut inissinneqassaaq. Tamanna tunngavigalugu Kangerlussuarmi Kellyville-mit umiarsualiviup nutaap tungaanut aqqusineq tallilernerneqarnissaa pisariaqartinneqarpoq. Umiarsualivissamut pilersaarusernermut, umiarsualivimmut aqqusinissap ingerlanneqarnissaa ilanngullugu VVM-imik ataatsimut nassuiaasiortoqareerpoq.

Qeqqata Kommunalbestyrelsip 2016-imut missingersuutiniq akuersissuteqarnermigut, Sisimiut Kangerlussuullu akornanni kiisalu Maniitsup eqqaani Tasiusap Apussuullu akornanni ATV-nut aqqusiortoqassasoq aalajangerpaa.

Sisimiut Kangerlussuullu akornanni ATV-nut aqqusinissaq takornariaqarnermut najugaqavissunullu atornerneqarnissaa kiisalu Sisimiut Kangerlussuullu akornanni aqqusinivissamut aallarniutaasussatut eqqarsaatersuutaavoq. Siullertut pilersaarutaasumit aqqusinissaq Amitsorsuup kujataatigoortinneqarani, tulliuuttut pingasut patsisigalugit Itinnerup Tasersuata avataatungaatioortussanngortinneqarpoq:

1. Itinnerup nalaani pinngortitaaq sunnertiasoq aqqusaarneqassanngilaq
2. Itinnerup qooruata kujataani qaqqap tungaanut sivinganerujussuaq, sanaartornermullu

akisungaatsiarsinnaasoq aqqusaarneqassanngilaq

3. Nipisat Aasivissuillu kulturikkut UNESCO-p nunarsuarmioqatigiinnut

kingornussassanngortinniarneqarnerat aallaavigalugu Aasivissuarnut aqquq qaninnerulissaaq Sisimiut Kangerlussuullu akornanni ingerlavissiamut kiisalu Sisimiuni imeqarfiup killeqarfiani VVM nassuiaat suliarineqaleruttoq, 2015-ip aasaanerani aqquq misissuataarneqarpoq

Tasiusaq Apussuillu akornanni ATV-nut aqquq Apussuarni sermersuarmut appakaassinaalersitsissaaq, ukiunimi kingullerni silaannaap allanngoriartornera patsisaalluni Apussuarnukarnissaaq ajornakusuulersissimmagu. Aqquqtip inissinneqarnissaa maannakkut suliarineqaleruttoq, 2016-imilu aasamut misissorneqarnissaa naatsorsuutigineqarluni. Aqquqtip naatsuusumut VVM-imik nassuiaasiortoqarnissaa naatsorsuutigineqanngilaq.

Kangerlussuarmi aqquqserngit kitaatungaani ATV-nik angallassinnaanissaaq pillugu Kangerlussuarmi takornarialerisut ujartuinikuupput. Taamaattoqarsinnaassappat takornarissat pinngortitaq misigisaqarfignersinnaassavaat, Kangerlussuullu kangiatungaani Sermersuup, Kangerlussuullu kujataatungaani umimmaqarfik taseqarfiullu saniatigut allatut misigisaqarfignersinnaalissallugu. Keflavik/Island-ip aamma Kangerlussuup akornanni timmisartuussisalernissaaq aamma eqqarsaatigineqassaaq, tamannami pillugu aasamut takornarissat aamma amerlisussaammata.

#### Atuilluartuunissakkut kingunerisinnaasai

Inuutissarsiutinik ineriartortitsinissami atuilluartuunissaaq eqqarsaatigalugu nunaannarmik atuisinnaalernissatigut periarfissarititaasut pingaaruteqarput, taamaalilluni immap uumasuunik toqqammaveqarnerujussuaq annikillissamat. Taamatuttaarlu ippat aamma innuttaasut sunngiffimmini periarfissaat eqqarsaatigalugit.

Taamaalilluni nunaannarmi periarfissaasut tikikkuminartuusariaqarput, taakkulu Qeqqata Kommuniati atuilluartumik aningaasaqarnikkut tunngaveqarnissap qulakkeerneqarnissaanut pingaaruteqarlutik.

Assersuutigalugu kommunitisinni piniarneq takornariaqarnerlu suli ineriartortinneqarsinnaapput, taamalu isaatitsissutaanissaaq qulakkeerneqarsinnaalluni.

Peqatigitilluguli nunaannarmut anngussinnaanissap aqqussuulluagaanissaa aamma pingaaruteqarpoq, taamaalilluni pinngortitamit eriaqassat illersorneqarniassammata, angallannerullu pinngitsoorneqarsinnaanngitsup akornusersuutaannginnissaa aamma minnerpaaffimmiitinnissaa eqqarsaatigalugu. Taamaammata nunamik eriaqinninnissaaq atuisinnaanerlu imminnut nammaqatigiissittariaqarput.

#### Aningaasaqarnikkut allaffissornikkullu kingunerisinnaasai

Ileqqoreqqusap akuersissutigineqarneratigut kommunimut aningaasartuuteqassanngilaq, ATV-mulli aqquqtip immikkoortitsinikkut missingersuutitigut kinguneqartitsissalluni.

Allaffissornerinnaq eqqarsaatigalugu, nakkutilliisuunissaaq ileqqoreqqusakkut ingerlateqqinneqassaaq, tamatumali naammassiniarnera ajornartorsiutaajuarsimavoq. Taamaattorli Piniarnermik nakkutilliisut Politiillu suleqatigiinnerisigut nakkutilliinerup pitsanngoriaateqarsinnaanissaaq naatsorsuutigineqarluni.

#### Allaffeqarfiup naliliinera

Allaffeqarfiup nalilerpaa, Kangerlussuup kujataatungaani angallaviup ersarissarneqarnissaa

pisariaqartoq, soorlutaaq Kangerlussuarmi umiarsualivimmut aqquuserngup ATV-nullu aqqutit nutaat, qamutit motorillit nunaannarmi angallassissutiginnissaat pillugit ileqqoreqqusamut ilanngunneqassasut.

Allaffeqarfiup nalilerpaa, allannguutit ataavartumik atuutsilersinneqarnissaat pillugu, borgmesterip ataavartumik immikkut akuersissuteqartarnissaa pissusissamisoortoq. Taamaakkaluartoq Sisimiuni imeqarfiup killeqarfiatigoortoqarnissaanut maannakkut immikkut akuersissuteqartoqarsinnaanngilaq, soorlutaaq nunap immikkoortortaanik UNESCO-p nunarsuarmioqatigiinnut eriagisassanngortitsiniarneratigut ATV-nik ingerlaartoqarsinnaanissaanut, avatangiisinut sunniteqaataasinnaasunik nassuiaasiortoqarnissaa utaqqimaarneqartariaqartoq.

Allaffeqarfiup nalilerpaa, Kangerlussuarmi kimmullu takornariaqarnikkut soqutiginarsarneqarnissaa pillugu 2016-imi killilersuinikkut nakkutigisamillu ATV-nik angallassinnaanermik ammaassisoqartariaqartoq. ATV-nik angallattoqarnera nunamut qanoq sunniteqassanersoq ilutigalugu misissorneqarsinnaalissaaq. Taamaattumik Kellyville-mit UNESCO-p eriagisassanngortitassaata tungaanut angallattoqarsinnaaneranut 2016-imi immikkut akuersissuteqarnissaaq iluaqutitaqassaaq. Tammajuitsussarsisitsiniarluni piniariartitsinernut atatillugu nunap immikkoortortaanit tassannga Aasivissuit tungaannut ATV-nik angallattoqarsinnaanissaanut Namminersorlutik Oqartussat 2012-imi immikkut akuersissuteqarput, taamaakkaluartorli UNESCO-p eriagisassanngortitassaata tungaanut angallattoqarsinnaanissaanut akuersissuteqarnissami, VVM-imik misissuinissaaq UNESCO-mullu qinnuteqaatip naammassineqarnissaa utaqqineqartariaqarput.

Allaffeqarfiup innersuussutaa.

Aningaasaqarnermut ataatsimiititaliamit kommunalbestyrelsimiillu akuereqqullugu innersuussutigineqarpoq,

Kangerlussuup kujataatungaani ukiuunerani aqquutissiaq, piniarfiit nalaanni inuutissarsiutigalugu piniartunut, tammajuitsussarsisitsiniarlunilu piniariartitsisartunuinnaq atugassanngortinneqassasooq

Kangerlussuup kujataatungaani ukiuunerani aqquutissiaq tullinnguuttoq tamanut ammaananeqassasooq

1. Angmarlortoq aqqusaarlugu Qinguata kuussuata aamma Umiiiviit akornanni
2. Tatsiap Ataanit Tasersuap tungaanut

Ukioq kaajallallugu aqquuserngit aqquutillu tulliuuttut ilanngunneqassasut

A. Kangerlussuarmi umiarsualivittaassamut aqqusineq

B. Sisimiut Kangerlussuullu akornanni ATV-nut aqquut

C. Tasiusaq aamma Apussuit akornanni ATV-nut aqquut

aqquuserngillu aamma ATV-nut aqquutit piniarnernut atatillugu aqquutigineqaaqqusaassanngitsut

Avatangiisinut sunniteqaataasinnaasunik misissuisimanermit nalunaarusiamik Namminersorlutik Oqartussat akuersissuteqariarpata, siuliani allannguutit naapertorlugit motorinik angallassissutilinnut immikkut akuersissuteqartarneq allanngorneqassasooq, taakkulu borgmesterimit ataavartumik akuerineqartassasut

Aningaasaqarnermut ataatsimiititaliap suliamik suliarinninnera

Ataatsimiititaliap 2016-imi februaarip 18-iani ataatsimiinnermini innersuussut akuersissutigaa.

Kommunalbestyrelsip suliamik sularinninnera

Kommunalbestyrelsip februarip 25-ani 2016 ataatsimiinnermini aalajangerpaa, suliaq ataatsimiititaliamut utertinneqassasoq. ATV-nut aqqusiortoqarnissaa kommunalbestyrelsip isumaqatigaa.

Allaffeqarfiup innersuussutaa

Teknikkimut Avatangiisinullu ataatsimiititaliamit, aningaasaqarnermut ataatsimiititaliamit aamma kommunalbestyrelsimit akuereqqullugu allaffeqarfiup innersuussutigaa,

Kangerlussuup kujataatungaani ukiuunerani aqutissiaq, piniarfiit nalaanni inuutissarsiutigalugu piniartunut, tammajuitsussarsisitsiniarlunilu piniariartitsisartunuinnaq atugassanngortinneqassasoq

Ukioq kaajallallugu aqquserngit aqutillu tulliuuttut ilanngunneqassasut

A. Kangerlussuarmi umiarsualivittaassamut aqqusineq

B. Sisimiut Kangerlussuullu akornanni ATV-nut aqut

C. Tasiusaq aamma Apussuit akornanni ATV-nut aqut

aqquserngillu aamma ATV-nut aqutit piniarnernut atatillugu aqutigineqaqqusaassanngitsut

Avatangiisinut sunniuteqaataasinnaasunik misissuisimanermit nalunaarusiaq Namminersorlutik Oqartussat akuersissuteqariapata, siuliani allannguutit naapertorlugit motorinik angallassissutilinnut immikkut akuersissuteqartarneq allanngorneqassasoq, taakkulu borgmesterimit ataavartumik akuerineqartassasut

Teknikkimut avatangiisinullu ataatsimiititaliap suliamik sularinninnera

Ataatsimiititaliap majip 10-ani 2016 ataatsimiinnermini innersuussut akuersissutigivaa.

Marius Olsen-ip eqqaasitsissutigivaa misissueqquissaarneq pereerpat nalilerneqarnissaa pissasoq.

Borgmesterip suliamik sularinninnera

Borgmesteri aningaasaqarnermi ataatsimiititaliaq sinnerlugu teknikkimut avatangiisinuullu ataatsimiititaliap innersuussutaa majip 19-ani 2016 akuersissutigivaa.

**Innersuussut**

Borgmesterip innersuussutigivaa teknikkimut avatangiisinuullu ataatsimiititaliap innersuussutaa akuereqqullugu

Kangerlussuup kujataatungaani ukiuunerani aqutissiaq, piniarfiit nalaanni inuutissarsiutigalugu piniartunut, tammajuitsussarsisitsiniarlunilu piniariartitsisartunuinnaq atugassanngortinneqassasoq

Ukioq kaajallallugu aqquserngit aqutillu tulliuuttut ilanngunneqassasut

A. Kangerlussuarmi umiarsualivittaassamut aqqusineq

B. Sisimiut Kangerlussuullu akornanni ATV-nut aqut

C. Tasiusaq aamma Apussuit akornanni ATV-nut aqut

aqquserngillu aamma ATV-nut aqutit piniarnernut atatillugu aqutigineqaqqusaassanngitsut

Avatangiisinut sunniuteqaataasinnaasunik misissuisimanermit nalunaarusiaq Namminersorlutik Oqartussat akuersissuteqariapata, siuliani allannguutit naapertorlugit motorinik angallassissutilinnut immikkut akuersissuteqartarneq allanngorneqassasoq, taakkulu borgmesterimit ataavartumik akuerineqartassasut



## **Aalajangiineq**

### **Ilanngussaq**

1. Qamutit motorillit nunaannarmi angallassutiginissaat pillugit Qeqqata Kommuniani ileqqoreqqusaq 2014-imeersoq.
2. Kommunalbestyrelsip 2014-imi aprilip 29-ani ataatsimiinnerani imm. 16-ip imaqarniliornera.
3. Ukiuunerani aqcutip nunap assingatigut takussusiornera.
4. Aqquserngit ATV-nullu aqcutip nunap assingatigut takussusiornera.

## **Imm. 17 Sisimiuni Meeqqat inuusuttuaqqallu angerlarsimaffiup avataanut inissitat**

*Journalnr. 42.02*

### Tunuliaqutaq

Angerlarsimaffiup avataanut inissiisarneq pillugu Ilaqtariinnermut ataatsimiititaliaq, aningaasaqarnermut ataatsimiititaliaq kiisalu kommunalbestyrelsi ataavartumik paasitinneqartassapput.

### Maleruagassatigut tunngavissat

Meeqqanut inuusuttunullu ikiorsiisarneq pillugu Inatsisartut peqqussutaat nr. 1, 15. april 2003-meersoq.

§ 9 Angajoqqaatut oqartussaassuseqartoq aamma meeraq 15-ileereersimasoq akuersiseqqaarlugit ikiorsiissutissaq meeqqap immikkut pisartitsineranut naleqqunnerpaaq kommunalbestyrelsip toqqassavaa.

Imm 2 Kommunalbestyrelsi assersuutigalugu aalajangersinnaavoq

10) meeraq angerlarsimaffiup avataanut inissinneqarnissaanik, assersuutigalugu ulloq unnuarlu paaqqinniffimmut

### Pissutsit atuuttut

Ilaqtariinnermut ataatsimiititaliap siulittaasuata peqqusinera tunngavigalugu Qeqqata Kommuneani, meeqqat inuusuttuaqqallu angerlarsimaffiup avataanut inissisimasut qassiunersut ataatsimiinnermi ilisimatitsissutigineqassasut.

### Ulloq unnuarlunut angerlarsimaffinni inissitat

Marluk Orpigaq Kangerlussuaq-mi inissisimasuupput

Ataaseq Pilutaq, Sisimiut-ni inissisimasuuvoq

Ataaseq TIMI ASIMI, Nuuk-mi inissisimasuuvoq

Ataaseq Ummannaq Børnehjem-mi inissisimasuuvoq

Ataaseq Angerlarsimaffik Aja Nuuk-mi inissisimasoq

### Angajoqqaarsianut inissitat

Meeqqat maani Sisimiuni, arfineq marluk angajoqqaarsiaqarlutik inissisimasuupput.

Meeraq ataaseq Nuuk-mi angajoqqaarsiaqarluni inissisimasuuvoq

Inuusuttuaqqat sisamat, 18-leereernikuullutik malittarineqarqittut

Meeqqat tallimat maani Sisimiuni angajoqqaarsiaqartinneqarput illoqarfiup allat akilersugaat.

### Allaffeqarfiup naliliinera

Annerusumik oqaaseqaatissaqanngilaq.

### **Innersuussut**

Ilaqtariinnermut ataatsimiititaliamut innersuussutigineqarpoq, Sisimiuni Meeqqat inuusuttuaqqallu angerlarsimaffiup avataanut inissitat allattorsimaffiat tusaatissatut tiguneqassasoq.

### **Aalajangiineq**

#### **Ilanngusaq**

1. Sisimiuni Meeqqat inuusuttuaqqallu angerlarsimaffiup avataanut inissitat allattorsimaffiat.

**Imm. 18      Maniitsumi Meeqqat inuusuttuaqqallu angerlarsimaffiup avataanut inissitat**

Journalnr. 41.02 – 41.07

Tunuliaqutaq

Angerlarsimaffiup avataanut inissiisarneq pillugu Ilaqutariinnermut ataatsimiititaliaq, aningaasaqarnermut ataatsimiititaliaq kiisalu kommunalbestyrelsi ataavartumik paasitinneqartassapput.

Maleruagassatigut tunngavissat

Meeqqanut inuusuttunullu ikiorsiisarneq pillugu Inatsisartut peqqussutaat nr. 1, 15. april 2003-meersoq.

§ 9 Angajoqqaatut oqartussaassuseqartoq aamma meeraq 15-ileereersimasoq akuersiseqqaarlugit ikiorsiissutissaq meeqqap immikkut pisartitsineranut naleqqunnerpaaq kommunalbestyrelsip toqqassavaa.

Imm 2 Kommunalbestyrelsi assersuutigalugu aalajangersinnaavoq

10) meeraq angerlarsimaffiup avataanut inissinneqarnissaanik, assersuutigalugu ulloq unnuarlu paaqqinniffimmut

Pissutsit atuuttut

Ilaqutariinnermut ataatsimiititaliap siulittaasuata peqqusinera tunngavigalugu Qeqqata Kommuneani, meeqqat inuusuttuaqqallu angerlarsimaffiup avataanut inissisimasut qassiunersut ataatsimiinnermi ilisimatitsissutigineqassasut.

Namminersorlutik Oqartussat ulloq unnuarlu inissiivianut inissinneqarsimasut:

Meeraq ataaseq Sarliaq Ilulissat

Meeqqat marluk Gertrud Rask Minde Sisimiut

Meeqqat marluk Angerlarsimaffik Aja Nuuk

Meeraq ataaseq Matu Nuuk

Meeqqat tallimat Røde Kors Børnehjem Nuuk

Meeraq ataaseq Meeqqat illuat Nuuk

Meeraq ataaseq Qasapi Sisimiut

Meeraq ataaseq Isikkivik Sisimiut

Namminersortunut ulloq unnuarlu inissitat:

Meeqqat marluk Pitu Nuuk

Meeraq ataaseq Angerlarsimaffik Orpigaq Kangerlussuaq

Meeqqat marluk Qaamasoq Nuuk, inissinneqassapput maj 2016

Angajoqqaarsianut inissitat:

Meeqqat marluk Nuummi angajoqqaarsianut inissinneqarnikuupput

(Namm.Oqartussat suleqatigineqarput Komm. Akunnerminni akiliiffigeqatigiittarnissaannut apeqqummut)

Meeqqat sisamat Sisimiuni angajoqqaarsianut inissinneqarnikuupput, (meeqqat marluk sisimiunut sullinneqarnerat nuutinneqarput)

Meeqqat 16-t Maniitsumi angajoqqaarsianut inissinneqarnikuupput.

Inuussutissarsiutigalugu paarsisartut:

Meeqqat pingasut inuussutissarsiutigalugu paarsisartut Kangaamiut.

Allaffeqarfiup naliliinera

Allanik paasissutissaqanngilaq

Allaffeqarfiup innersuussutaa

Ilaqutariinnermut ataatsimiititaliamut innersuussutigineqarpoq,

-Maniitsumi Meeqqat inuusuttuaqqallu angerlarsimaffiup avataanut inissinneqarsimasut allattorsimaffiat tusaatissatut tiguneqassasoq

Ilaqutariinnermut ataatsimiititaliap suliamik suliarinninnera

Siulittaasup maajip 17-ani 2016 ataatsimiititaliaq sinnerlugu innersuussut akuersissutigivaa.

**Innersuussut**

Innersuussutigineqarpoq Kommunalbestyrelsimut akuersissutigeqqullugu,

-Maniitsumi Meeqqat inuusuttuaqqallu angerlarsimaffiup avataanut inissinneqarsimasut allattorsimaffiat tusaatissatut tiguneqassasoq

**Aalajangiineq**

**Ilanngusaq**

1. Maniitsumi Meeqqat inuusuttuaqqallu angerlarsimaffiup avataanut inissitat allattorsimaffi

**Imm. 19 Ataatsimoorussamik Itilleq/Sarfannuguit nunaqarfinni aqutsisuni Peter Karlsen-ip ilaasortanngoqqinnera pillugu paasissutissiissut**

*Journalnr.01.01.03*

Tunuliaqutaq

Ataatsimoorussamik Itillimi/Sarfannuanilu nunaqarfinni aqutsisuniit Peter Karlsen-ip tunuarniutaa akuersissutigineqarpoq septembarip 30-ani 2015, Sisimiunut nuunnera tunngavigalugu.

Maajip naalernerani 2016 Itillimut nuulernini pissutigalugu Ataatsimoorussamik Itillimi/Sarfannuanilu nunaqarfinni aqutsisuni ilaasortanngoqqinnissaminik qinnuteqarpoq juunip aallaqqaataaniit 2016.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 7, 3. december 2012-imeersoq,  
*§ 54. Ilaasorta qinigaaffiup iluani kommunalbestyrelsimit tunuarniarluni qinnuteqarpat, kommunalbestyrelsip aalajangissavaa qinnuteqaat taamaattoq akuerineqarsinnaanersoq. Imm. 4. Ilaasorta qinersivimmi najugaqarunnaarallarpat kommunalbestyrelsip aalajangersinnaavaa pineqartup qinigaasinnaanini annaasimannigikkaa, taamaalillunilu kommunalbestyrelsimit ilaasortaajunnaarallaannassalluni qinersivimmi aalajangersimasumik najugaqaqqilernissami tungaanut.*

Aqutsisuni ilaasortanut inatsit aamma atuuppoq.

Pissutsit atuuttut

Ataatsimoorussamik nunaqarfinni aqutsisunut ilaasortanngoqqinniarnera peqquteqarpoq Itillimut uteqqittusanngoramik.

Karen Sakæussen, Sarfannuguit, Peter Karlsen-imut sinniisuusoq maajip naanerani 2016 ataatsimoorussamik Itillimi/Sarfannuanilu nunaqarfinni aqutsisuni ilaasortaajunnaassaaq.

Qullersaqarfiup innersuussutaa

Qullersaqarfiup borgmesterimut innersuussutigissavaa tulliuuttut akuereqqullugit

- 1) Peter Karlsen ataatsimoorussamik Itillimi/Sarfannuanilu nunaqarfinni aqutsisuni juunip aallaqqaataaniit 2016-imi ilaasortanngoqqinnissaa akuerineqassasoq
- 2) sinniisuusoq Karen Sakæussen ataatsimoorussamik Itillimi/Sarfannuanilu nunaqarfinni aqutsisuni maajip naaneraniit 2016 ilaasortaajunnaassasoq

Borgmesterip suliamik suliaqarnera

Kommunalbestyrelsi sinnerlugu maajip 10-iani 2016-imi borgmesterip innersuussutigineqartut akuersissutigivai.

Aalajangiineq pillugu kommunalbestyrelsi tullissaanik ataatsimiileruni ilisimatinneqassaaq,

**Innersuussut**

Suliaq kommunalbestyrelsimut paasissutissatut saqqumiunneqarpoq.

**Aalajangiineq**

**Planngussaq**

1. Peter Karlsen-ip maajip 3-ani 2016-imi ilaasortanngoqqinniarnerninik allagaa

**Imm. 20      Tamalaat**